

LIPOTSO LE LIKARABO

KA BAHEBERU KAROLO 1

 Ebe o ne a ka e khona joang Molimo a le sieo? Ekabe'ba ke ea sebele, na e ke ke ea eba eona? E ne e ke ke ea phethisoa Morena a le sieo.

Nke ke ka rera ka tsona kaofela. Empa eaba ke hopola ho tšoarana le ntho e batlang e le boima, le a tseba, ka hona ke mpe ke itlhophise. Empa, oh, e ne e le bobebe, bobebe haholo. Ka hona mohlomong lipotso tse har'a batho ha li ngata, ke lipotso tse pala haholo le tse bobebe. Be, ke thabetse ho leka ho li araba ka bokhoni ba ka, ka thuso ea Morena.

² 'Me haeba Khaitseli Arganbright a le kahare bosiung bona . . . Khaitseli Ruth. Na u teng, Khaitseli Ruth? Ka mane. Ke na le . . . Oh, e, ke tšoere aterese mona, 'me . . . Che, ha ho joalo. Be, nka e fumana hantle kantle mona. Ke ne ke e ngotse bukaneng ea ka, 'me ke siile bukana ea ka lapeng. Joale, ha mapolesa a nkhaoletsa ke khutlela lapeng, Moena Fleeman, u tle u ntoele. Bolella Billy ke a . . . ke siile bukana ea ka lapeng, bosiung bona ke khanna ke sa tšoara laksense. 'Me ke itse ke e noketse pokothong ea ka; ke fetotse liphahlo tsa ka feela. Ke ile ka matha ka kena, thapama ena, ka hela joang ka potlako 'me ka tlameha ho tlohela le ho kena kahare, ho fetola liaparo le ho mathela tlase mona. 'Me ke—ke tlie le tlotlontsoe, empa le ka e fumana hantle hamorao ho tsoa mono.

³ U se ke oa ikutloa hampe ka lengolo *leo*. Holane ke sa fumana le lebe ho feta leo, ekaba lengolo le letle. Le ne le itóketse. Le letle, letle haholo. Ke itse ho uena nke ke ka le bala, la mpa la phorotseha, u a tseba, ha ke a khona ho ithiba. Ka ipotsa seo u se buileng. 'Me se le setle, setle haholo, se ngotsoe joalokaha mosuoe oa sekolo a tlameha ho ngola. Le ne le le letle, 'me ke a le ananela. 'Me le—le u fa . . .

⁴ Le a bona, ke rata mangolo a motho ea ka—ea ka batlang a hohlana le uena. Le a bona, haeba u tsoelapele ka linako tsohle, motho a sa hanane le uena, o tlala mafome. U tšoanelia ho fapania nakoana hore u tle u utloisise 'me u leke ho cheka ka botebo ho feta. 'Me—'me u tšoasoia lefitong feela ha u sa shebe; 'me u—'me u kena khatatsong ha u etsa joalo. U tlameha ho 'na u tsoa tema le ho 'na u fumana motho ea sa lumellaneng le uena a hohla masiba a hao khahlano hang ka nako.

⁵ Koana Afrika ke thotse litaoana tse peli, e le liphooftsoana feela, li ka ba *kaalo*. Li maroboko, taoana, mootloana; tau e nyenyane, tauhali e nyenyane. 'Me joale, ekare likatsana, li

nyenyane hakaalo, linthoana . . . linthoana tse ntlenyane, li ntse li ipapalla. 'Me ke tla khutlela le tsona Amerika, ke li hlahlletse serojaneng sa linonyana. Ke tla khutla ke kena le tsona, empa ha ke a fumana letho—letho ho li enta, chefu ea letho. Ha ba ntumella ho khutlela Amerika ka tsona li sa entoa pele, 'me ha ke a e fumana hohle Afrika. Empa ha u batla ho tseba haeba e le tau kapa che, ak'o pholle boeana ba eona khahlano nakoana. E tla u shatela uena e u tsebise hobane ke tau, ka hona—ka hona e batla e u tsebisa boemo ba eona.

⁶ U tlameha ho sebetsa joalo hang ka nako, le a tseba, ho pholla masiba khahlano, ho fumana. Empa, joale, ha re halefe joaloka tau; re mpa re mpa re rata hoo, ho . . . ha batho ba botsa lipotso. 'Me lipotso tse kang tseo, Khaitseli Ruth, li ntle, ho 'na li ntle haholo. Ke a . . . ke—ke a li rata, le a bona. Ke mpa ke hloile tse khohlahetseng tseo. Empa tseo li . . . e ne e le ntle.

⁷ Joale re tšoere tse ling, tse fuluhang, lipotso tsa lehae. Moreri o ka phaposing ka morao hona joale, o mpotsitse, ho re, "Baporofeta ba babeli ba Tšenolo 11, na ba tla kena pejana ho Hloibilo? Kapa pejana Iseraele a tlosoa? 'Me ebe . . ." Joale, mofuta oo—oo—oo oa lipotso o batla u hlamelia motho lefito. Empa lipotso tse bonolo joaloka ka ena li itoketse.

Empa joale, pele re qala, ha re inamiseng lihlooho tsa rōna bakeng sa thapelo:

⁸ Ntate, re a lemoha mohla U nong u le lilemo tse leshome le metso e 'meli, U fumanoe Tempeleng le bangoli le bahlalefi, ho rerisana le bona ka Mangolo. 'Me ba ne ba—ne ba hlolloa ke e . . . banna ba mehleng, 'me ba koetlisitsoe hantle Mangolong, koana ba bone Moshanyana oa lilemo tse leshome le metso e 'meli feela—feel a ferekanya, ka tlhaloso ea Mangolo. U ne u le mosebetsing oa Ntate oa Hao. U boleletse 'mé oa Hao, "Ana ha u tsebe Ke tšoanelia ho lula mosebetsing oa Ntate oa Ka?" ho hhalosa Mangolo ka kutloisiso ea oona ea moea.

⁹ 'Me joale re a rapela, Morena, ka—ka ha U tseba bofokoli le ho tetema ha rōna, le kamoo re sekametseng liphosong, U ke u re felehetse bosiu bona ka sebopheho sa Moea o Halalelang, le ho re hhalosetsa Mangolo. Ke shebeletse 'me ke itšepisitse ka Uena. 'Me haeba nka khona, nakong efe, ho leka ho sutela mehopolo ea ka leha e le botoloki kapa ntho ea boitšepo, ho leka ho utloahatsa tlhaloso ea ka e népile, nkoale molomo, Morena, joalokaha U kile . . . U sebelitse litau joalo, mohla li neng li seohela Daniele. U sa le Molimo oo.

¹⁰ 'Me ka bottlalo . . . Joalokaha re itšepisitse Moea o Halalelang, A ke a re senolele lintho tsena. 'Me etlereha Al bua, a li nolofatse hoo batho ba botsitseng potso ba tla E amohela. 'Me haeba E araba khahlano le seo esale ke se lumetse, pelō ea ka e nyakalle hape, Morena, ho itseba ke fumane ntho e ncha, le tsela e itseng e khabane ea Morena. Hoba U boletse, "Batlisang Mangolo, hoba

ho Oona le hopola hoba le na le Bophelo Bosafeleng, athe Ke Oona a Mpakang.”

¹¹ Joale, ka morao ho thuto ena ea Lengolo, ruri e tla tsosa mehopolo e mengata le joalo-joalo. ’Me ke a rapela, Molimo, joale haele moo lipotso li bonahala li le mosa li botsitsoe ka monate, Moea o Halalelang a li arabe ka mosa le ka monate. Hoba re e kōpa ka Lebitso la Jesu, molemong oa khanya ea Molimo, le katolosong ea Kereke ea Hae. Amen.

¹² Khafetsa maikutlo a boitšepo tabeng efe, a senya tatso ea eona feela. ’Me joale, ho botsitsoe lipotso tsa Lengolo lena.

¹³ Joale, haeba ke seba-seba hanyenyane bosius bona, ke ntšitse leino. ’Me ke le kentse, ha ke khone ho rera, ke theola lebelo ha ke rera; ke a le ntša, ’me ke batla ke letsa mololi.

¹⁴ Mof. Billy Graham o phetile pale ea hae, moo a ’moneng a roalehile ho fetisa, ke mohlang oo, a ntšitse leino kapele. Eaba le a lahleha, a tla tšoara lenaneo la thelebishene hang, ’me—’me a sa khone. . . Le ne le beiloe poleiting le meno a mang a kamorao. ’Me ha a bua, o ne a letsa mololi “whew, whew” ka leino la hae. ’Me a re o ne a khumame ka mangole a hae, a ntse a rapela a fufuletsoe, metsotsso e leshome pele ho khaso ea thelebishene, qetellong ba le thola le tšoasitsoe marikhoeing a hae le kene menoaneng ea lieta tsa hae. La tšoasoa ke lemeno la borikhoe, leino leo la maiketsetso. ’Mof. Graham a e phetha, holimō mona. ’Me eaba ke le tšoara ka pampitšana, ke kholoa ke le tšoere mona ka Bibeleng ea ka.

¹⁵ ’Me ho batla ho le. . . ha re tsofala re katileha, le a tseba, re tlameha ho lahleheloa ke ana, ho a mpefala. ’Me ka hona ke. . . e ne re ke tsoile le Moena Roberson morao mane, le bao, ke le borosola hoseng ho hong le ile la khephoha, ka tlameha ho le isa ngakeng, ho le lōkisa. Morena a ekeletse mahlohonolo a Hae ke hona.

¹⁶ Joale re tla tloha, joale, ke tla leka ho finyella e ’ngoe le e ’ngoe ea tsona, ha nka khona. ’Me, Moena Tony, ka mohau oa Molimo, ke fumane koahollo ea toro ea hao, ’me e ne e le khabane. Ke thabetse ho bona seo haholo. ’Me ke koahollo e ntle, hoo ke sa tlamehang ho e koaholla phatlalatsa mona, ke tla u koahollela eona ka poraefete ha u—ha u sa. . . ha u batla joalo. Omportsitse bosiu bo bong, o lorile toro, ’me ha ke a khona ho ’molella eona feela hofihlela ke ile ho Morena ’me ke rapela ka eona. Eaba Morena o boela a ntšenolela eona ’me a mpolella koahollo ea eona. E a babatseha, ’me ke litaba tse molemo ho uena, Moena Tony.

¹⁷ Joale, potsong ea pele. Joale, ha ke tsebe moo nka qalang feela pele, hoba kaofela li ntle. Empa, joale, re leka ho se nke nako e ngata, koana re ka li phethela Sontaha, ha re sa li qete.

51. Hlalosa ho boleloang ka “bohloko bo sa feleng,” ho Mattheu 25:46. “Empa ba. . .” Ke potso eo.

52. Hape, potso ea bobeli: “Empa bana ba ’muso ba tla lahleoa kantle lefifing,” na ho tšoana le ho ba lahlela kantle ho mohopoloo oa Molimo?

¹⁸ Be, joale, ho tšoara potso ea hao ea pele, e fumanoa ho Santa Mattheu, oa mashome a mabeli- . . . khaolo ea 25. Joale re tla . . . Joale, tsena ha ke a li hlahloba, ke li habantse kamorao ka mane feela, le ho leka feela ho li sheba ka bokhoni boo nka—boo ke bo tsebileng. 'Me ea ka . . . Phetlang le 'na Bibeleng tsa lōna, re sa E bala. Joale, ke batlile ho e qotsa ho tlotlontsoe ea Segerike hape, le tle le thole ea—ea mantlha. 'Me ke—ke rata seo. Ka hona re tla tšoarana le Eona ka bobeli boo—bobeli boo ba—ba Segerike le ka e 'ngoe. 'Me joale taba ena e tla ba—e tla batla e lieha, 'me ho hlahllobisa, hoba ke tšoanelo ho lata Mangolo moo nka a tholang teng feela, le ho a bea malulong a ona. Ke hantle.

¹⁹ Joale, motho o teng ea batlang Bibebe ho hlahloba ka eona? Ha ho le joalo, phahamisa letsoho la hao. 'Me re . . . Ke kholoa re tšoere tse peli kapa tse tharō morao mane. Haeba le batla ho hlahloba ka Lengolo, ke hantle. Moena Cox, na u ka tla koano oa ntela li-Bibebe tsena? 'Me ho—ho molemo ho lōna, ha le ka khona, ho . . . (e mong ke eane, 'me u feela—feela u ka theoha le tsona ha u batla, bongata boo.) 'Me mang ea e batlang, phahamisa letsoho la hao, moshanyana o tla le tlisetsa tsona, le a bona. 'Me re batla ho hlahloba tsena 'moho, 'me feela . . .

²⁰ Joale, palong ena le likhaolong tsa ho qetela . . . likhaolo tsa pele tse supileng tsa Buka ea Baheberu. Ka morao ho thuto, ehlile, moshanyana ea tšoaileng lintho tsena, lihlooho tsena, Moena Mercier le Moena Goad, ba li tšoere 'me ba itōkisetza ho li phatlalatsa ka sebopaho sa buka. 'Me ba e tšoere. Joale . . . 'me ha re a tšoara letho re phophothile ho se hokae, re ngoapile bokaholimō feela. 'Me ke a kholoa ba li reile . . . 'me ba ntšitse e—e likaqa ho . . . le ho bentša likaqa feela, likaqa tse 'maloa feela tsa thuto ea Baheberu. Moena Mercier o tla be a li tšoere haufi, li tlantsoe, mang ea li batlang.

²¹ Joale taba ena ka mona, e kenya . . . U ke ke oa tšoarana feela . . . kerekeng ea boevangeli, etsoe ena e le kereke ea boevangeli. U ke ke oa tšoarana le—le thuto u sa raose pelaelo le mehopolo ea batho ba bangata. U tlamehile joalo. Joale, ke hole le ho ba mosuoe, ha ke mofatakanyi oa Bibebe ho hang. Empa le ka mohla ha ke leke ho—ho bua taba, kapa esita le ho etsa letho, pele—pele ke botsa kapa ke finyella bokhabane ba eona.

²² Ke botsitsoe ke moena ea ratehang, maobane bosiu, a re, "Moena Branham, Moena Seward o kile a bua a re u—u ha u ke u tšoasoa nqa efe feela. Le a bona, u itšoasolla eona kapa u a e phonyoha."

²³ Ka re, "Be, lebaka la eona, kamehla ke leka ho nahana pele ke etsa eng le eng. Le a bona?" 'Me batho ha ba mpotsa, nka ba bolella mehopolo oa ka. Le a bona?" Empa ke haeba u nahana

hantle. 'Me pele u etsa eng le eng, leka ho emela lehlakore leo Molimo a batlang u le nke, ho tla ba thata ho tšoasoa koung.

²⁴ Le ke ke la hopola mohla e—e Akabe a lekileng ho tšoasa Elia. Na le ka nahana mohla Bafarisi ba lekileng ho tšoasa Jesu? Le a bona, O ne a—O ne a tšoere karabo ka potlako, hoba sohle seo A se entseng, O se entse ka thato ea Molimo, 'me O... ke ka moo A—A khonneng ho e phethisa. Joale, re e batla joalo mabapi le sena.

Joale ho botsoa potso, re tla ipapisa le potso:

Hhalosa ho boleloang ka “bohlokong ba kamehla,” ho Mattheu 25:46.

²⁵ Joale mamelisang ka hloko. E mong le e mong joale, Mattheu 25:46:

'Me bona bao ba tla ea bohlokong ba kamehla:...

²⁶ Joale, potso ke ena, "Eng...Hhalosa..." Joale lentsoe *kamehla* le tsoa ho lentsoe "mehla le mehla," 'me *kamehla* ke "nako e baliloeng." E bolela feela "nako e kana," e le *kamehla*. Joale ha u ka bala feela... Ha ke tsebe ea ngotseng lipotso, hoba ho se motho ea ngolang mabitso teng; ha se tlameho, ha ke a batle, le a bona.

Empa bona bao ba tla ea bohlokong ba kamehla:...
(Joale sheba, ke bakhopo.)

²⁷ Joale, moratuo—moratuo motho ea botsitseng potso, ak'o Le bale kaofela:

...empa ba lōkileng ba tla ea nqa bophelong bo sa feleng.

²⁸ Bakhopo ba tla ea bohlokong ba kamehla (nako e baliloeng), empa ba lōkileng ba na le Bophelo Bosafeleng. U ke ke ua fumana bohloko ba Bosafeleng, ho ke ke ha ba joalo. Le a bona, haeba ba hlokofatsoa ka Bosafeleng, ba ruile Bophelo Bosafeleng; ba ruile Bophelo Bosafeleng, ba bolokehile. Le a bona, ho ke ke ha ba joalo. Joale ha le ka sheba, e—e potso e ipotsitse... e a ikaraba. Le a bona?

'Me bona...

Joale shebang, ke tla tšoara pele ho mona:

... 'me bona...

²⁹ Ho ea 20...temana ea 44:

... 'me bona ba tla mo arabela, ba itse ho Eéna, Morena, ke neng re tla lapile, le ka lenyora, 'me le moeti, le ho hlobotse, ... le teronkong, 'me re sa ka ra u thusa?

Ke moo a tla—ke moo a tla ba araba, a re, Kannete-nete ke re ho lōna, Kamoo lōna le entseng... nqa oa ba banyenyane bana, le entse... nqa ho 'na.

'Me bona bao ba tla ea bohlokong ba kamehla
(kamehla): (ke bakhopo bao)... empa ba lōkileng ba tla
ea Bophelong Bosafeleng.

³⁰ Na le bona phapang? Bakhopo ba fuoa bohloko ba kamehla, empa *kamehla* ke “nako e baliloeng.” Joale, holane e tšoana, ekabe’ba ho ngolioe, “Me bona bao ba tla ea bohlokong ba kamehla, empa ba bang ba tla ea bophelong ba kamehla.” Le a bona? Kapa, “Ba tla ea bohlokong Bosafeleng, empa ba bang ba tla ea bophelong Bosafeleng.” Le a bona, haeba bohloko Bosafeleng bo le teng, ho hlokofatsoa kamehla le mehla, eka khona ho be le Bosafeleng... o na le Bophelo Bosafeleng; ’me Bophelo Bosafeleng bo le bong, bo tsoa ho Molimo. Tsohle tse se nang qalo ha li na bofelo, tsohle tse nang le qalo li na le qetelo. Na le bona seo ke se bolelang?

³¹ Joale, Lengolo e le Lona leo e—e motho ea ratehang a le arabileng... Joale ha u ka le nka ho ea ka tlotlontsoe, “*Me bona bao ba tla kena ainion, ho khaoloa, le ho kena kame-... le mollong, letšeng la mollo.*” Joale, lentsoe *a-i-n-i-o-n* le bolela “hlokofatso e baliloeng.” Ho tlotlontsoe ea Segerike, hantle mono, “hlokofatso e baliloeng,” kapa, “nako ea hlokofatso.” Le a bona, “Bona bao ba kena nakong ea hlokofatso.” Ho sebelisitsoe lentsoe, *a-i-n-i-o-n*. *Ainion*, e bolelang “linako, nako, nako e fellang.” Le ntano e khutlisetsa ho—ho photolelo mona, ea Senyesemane, *kamehla* ke “nako e moeli.” Le a bona, le tsoa ho Segerike, “nako e baloang.” Lentsoe *ainion*, kapa *a-i-n-i-o-n, ainion* e bolela “nako e moeli oa hlokofatso.”

³² Empa u ntano bala a ba bang, “Haele bona bao ba tla kena Bosafeleng.” Eo e fapane. Le a bona, Bophelo Bosafeleng. *Bosafeleng* bo tsoa ho lentsoe la “Bosafele,” ’me Bosafele ha bo na qalo leha e le qetello. Ke kamehla *le kamehla*. Joale e tlameha ho e arabal, le a bona, hoba ha u ka bala Lengolo ka hloko ruri, u tla bona.

³³ “*Me bona bao ba tla ea bohlokong ba kamehla, empa ba lōkileng...*” Bakhopo ba tla kena bohlokong ba kamehla, ho hlokofatsoa nako e baliloeng; mohlomong lilemo tse bilione, ha ke tsebe, empa ruri u tla ahloleloa libe tsa hao. Empa ruri joalokaha sebe se na le qalo, sebe se na le qetello. Kahlolo e bile le qalo, ’me kahlolo e na le qetello. ’Me lihele li bopetsoe diabolosi le mangeloi a hae. Le a bona? Ke hantle. Joale, ke tšoere e ’ngoe tlase mona ho e arabala mono, metsotsong e ’maloa, eona e ntle, e lohana le eona.

Joale, empa bana mona: **“Empa bana ba ‘muso ba tla lahleloa lefifing le kantle,” na ho tšoana le ho ba lahlela kantle ho mohopolo oa Molimo?”**

³⁴ Che, ho ke ke ha tšoana. Joale, mona o lebisitse ho Mokete oa Lenyaloo. Joale, “*Me bana ba ‘muso,*” joalokaha ho botsitsoe mona. Bana ba ‘muso ke Bajuda, ’me ba lahletsoe lefifing le

kantle. 'Me ba—ba lahletsoe lefifing le kantle, ba fetile nako ea lillo le liboko le tsikitlano ea meno. Ba lahletsoe lefifing le kantle e le hore 'na le uena re fuoe sebaka sa ho baka, empa ha ba lahleloa kantle ho mohopolo oa Molimo le ka mohla. A ke ke a lebala Iseraele le ka mohla. 'Me Israele, joalokaha 'mali ofe oa Bibele a tseba, e lekanggoa e le "bana ba 'muso." Le a bona, ke 'muso, tsepiso. Ka mantsoe a mang, Molimo o sebetsana le sechaba, mohla O sebetsaneng le Israele, e leng bana ba 'muso.

³⁵ Joale, hopolang, mona O boletse, "'Me Abrahama le Isaaka le Jakobo," tulong se seng, "ba tla tla ba lule 'musong mehleng ea bofelo." Le a bona, 'me Abrahama eo, Isaaka le Jakobo ba tla lula 'musong; ba entse joalo, e ne e le batho ba fuoeng lehlohonolo la 'muso. Empa bana ba 'muso ba tla lahleloa lefifing le kantle.

³⁶ Joale, moo taba ena e tsoang teng ke mona ke e—ke Monyali. Mohla Monyali a tlang, enere ba sa... Baroetsana ba bahlano ba tsoile ho kōpana le Morena, 'me—'me ba ne ba sa tšela oli lilamping tsa bona. Athe ba—ba bang ba bahlano ba ne ba tšetse oli lilamping tsa bona. Joale, ha u ka elelloa, setšoants̄o se setle, ka nqa ea Bajuda le Molichaba 'moho, joaloka balahluoa. Le hopole, lihlopha tsa batho li tharō ka linako tsohle: Mojuda, Molichaba (oa maipolelo),...; Mojuda, Molichaba, le Kereke. Ha u ka li lubakanya, u tla lukela mathateng a ruri ha u fihla ho Tšenolo. Hoba ha u sa etse...

³⁷ Joalokaha Mongh. Bohanon a qoqile le 'na khetlo le leng, ho re, "Billy, mang ea ka lekang ho bala Tšenolo o tla phofa. Khele," a re, "Monyaluoa ke enoa tlase mona lefatšeng, 'me e —'me drakone e phutšalatsa metsi molomong oa eona ho mo loantša." Le ho re, "Ka eona nako eo Monyaluoa o eme e le likete tse lekholo le mashome a mane a metso e mene" (thuto ea Lipaki tsa Jehova) "holim'a Thaba Sinai. 'Me ka eona nako eo Monyaluoa o Leholidmōng." Che, che, u a fosa.

³⁸ Lihlopha tsa batho li tharō. Le a bona, ke hore, ke Mojuda ealahluoeng, 'me ho be le moroetsana ea robetseng eo metsi... Ha se Peō ea mosali, ke masalla a Peō ea mosali ao drakone e phutšalatsang metsi a tsoa molomong oa eona... Tšenolo 11. 'Me hape, ka tšoanelo, Bajuda ba likete tse lekholo le mashome a mane a metso e mene e ne e hlile e se Monyaluoa, ke masalla a kereke ea Bajuda. 'Me thuto ea Lipaki tsa Jehova e ba hlomang e le Monyaluoa, ha ke bone kamoo u ka etsang joalo, hobane, ha se Monyaluoa.

³⁹ Ha u ka lemoha koana ho Tšenolo mono, E itse, "'Me ke baroetsana." 'Me ke maqhalaha. 'Me leqhalaha ke'ng? E ne e le... Leqhalaha e ne e le balebeli ba tempele ba lebetseng mofumahali, hobane ba ne ba...be... E ne e le banna ba entsoeng maqhalaha. Ba e na le... Na le lemohile, ho itsoe, "Ke ba sa kang ba itšilafatsa ka basali"? E ne e le leqhalaha la tempele. 'Me e ne e le palo e hloauoeng eo Molimo o e ntšitseng

ho mokhethoa oa Bajuda. Joale, ha u ka lemoha . . . Hola re ka tšoarana le eona nakoana, e tle e bobe e batalle mohopolong oa hao, moo ruri u ka hlang oa . . .

⁴⁰ Ha re tšoareng Tsenolo, khaolo ea 7, 'me mona re tla fumana joale, moo . . . seo E se boletseng. Ke ntho e ntle:

Kamora tsena . . . ka bona mangeloi a mane a eme likhutlong tse 'ne tsa lefatše, . . . (joale, taba ena e bapa le Ezekiele 9, teng o bone tšenyeho ea Bajuda. Athe mona o bona litšenyeho tsa Balichaba, Tšenolo, khaolo ea 7) . . . 'Me ka bona mangeloi a mane a emeng likhutlong tse 'ne tsa lefatše, a thibetse meea e mene (meea e bolelang "ntoa le qabang") . . . hore ho se ke ha eba moea o fokelang holim'a lefatšeng, le leoatleng, . . . kapa sefateng sefe. ('Me eo ke ntoa, "thibetse.")

⁴¹ Oh, hola re fuoe nako ho qapolisa potso ena. Taba eo e hlahile . . . Ke hona moo Russell a ferekang teng. Russell o porofetile, o bone taba ena e fihla. O porofetile "e tla ba ho khutla ha Morena Jesu," athe ha a tseba hobane e ne e le—e le ho tiisoa ha Kereke. Le a bona?

⁴² 'Me ba ipotsa kamoo ntoa ea lefatše . . . Ntoa ea Pele ea Lefatše. Shebang, e khaolitse ka la leshome le motso o le mong Pulungoana, ka hora ea leshome le motso o le mong ea letsatsi; khoeli ea leshome le motso o mong, letsatsi la leshome le motso o mong, le hora ea leshome le motso o mong. 'Me hang kamora tseo, ha senoloa kolobetsi ka Lebitso la Jesu le Kolobetso ea Moea o Halalelang ho Kereke. Ka népo, hang kamora tseo.

⁴³ Ha u ka e fallisetsa koana ho Tšenolo, kamoo re ileng ra E tlamahanya, le mahareng a Mongoaha oa Filadelfia le oa Laodisea. 'Me Bamethodise ba ne ba tšoere Mongoaha oa Filadelfia, mongoaha oa lerato. 'Me mongoaha oa ho qetela, mongoaha oa kereke, e ne e le Mongoaha oa Laodisea, ona e le mongoaha o fofo. 'Me O itse ka mono, "Ke behile monyako (monyako o butsoeng) ka pel'a hao." Monyako o butsoeng! 'Me ha u ka hokela Mangolo ao morao, e tla nyallana le Molaetsa ohle hantle tulong se seng mono, ho le supisa ka tšoanelo.

⁴⁴ Shebang! Mona esale ntho eohle e le Ntate, Mora, Moea o Halalelang, kolobetsong, (re tla kena ho eona ka kotloloho) etsoe e ne e le tumeloana ea Katolike ka bottlalo 'me e se thuto ea Bokreste le ka mohla. Che, monghali. Ke mpa feela . . . Re e tšoere hantle mona, bosiusg bona, ho kena ho eona; ka tloltontsue, le eona. Le a bona? E, monghali, le ka nalane hape. Ha ho mang ea kileng a kolobetsoa joalo ka Bibeleng, kapa ha ho joalo lilemong tsa pele tse makholo a tšeletseng kamorao ho Bibele. 'Me nka e kholisa hantle mona ka thuto ea Katolike ka sebele, ke bona ba e qalileng, le hofafatsa le ho tšela.

⁴⁵ Ba tsoile mono ba kena ho kereke ea Wesleyane, le ho kereke ea Methodise, Methodise ea e fetisetsa ho Baptise, Baptise ea e

fetisa joalo, 'me e sa ntse e le thuto ea bohata! Le ho khutlela Bibeleng ho le kholisa Bibebe e boletse "u na le lebitso la hoba u a phela, athe u shoele." Ke hantle haholo. 'Me ba ne ba e na le . . .

⁴⁶ Nka kholisa hoba Bibebe e ba boletse ba tla sebelisa Lebitso la Hae kolobetsong hofihlela mongoaha o lefifi, ho latela e—e mongoaha oa bone . . . oa e—oa mongoaha oa kereke, Mongoaha oa Kereke ea Pergame. 'Me O boletse, ka ho, mehleng eo ea lilemo tse sekete le makholo a mahlano tsa mengoaha e lefifi, e 'ngoe le e 'ngoe, ho itsoe, "U setse ka leseli le seng le kae, hoba ha u a ka oa latola Lebitso la Ka."

⁴⁷ Eitseha e fihla ho mongoaha o mong ka mono, mongoaha oa Katolike, O itse, "U na lebitso la hore u a 'phela,' athe u shoele! 'Me u latotse Lebitso la Ka.' Ke moo. Le a bona? E lohana eohle setšoantsong se seholo se setle, Bibebe eohle.

⁴⁸ Joale lemohang sena:

. . . *thibetse meea e mene . . .*

Ka bona lengeloi le leng le nyoloha Leholidong, le tsoere letšoao la Molimo o phelang: . . . (Letšoao)

⁴⁹ Joale, ebe letšoao la Molimo o phelang ke lefe? Joale, lōna baena ba Advente le tla re, "Ho boloka letsatsi la Sabatha." Ke batla ha le mpontša eona Lengolong. Ha e fumanoe. Ha ho tulo e le 'ngoe le kileng . . . ke—ke tiiso . . .

⁵⁰ Ha u bala Baefese 4:30, ka potlako ruri, u tla fumana seo Letšoao la Molimo o phelang e leng sona. Baefese 4:30 e re, "Le se ke la soabisa Moea o Halalelang oa Molimo oo le tšoailoeng ke ona hofihlela letsatsi la topollo ea lōna." Ha se hofihlela tsoseletso e lhahlamang, empa ke ho rua tšireletso ea Bosafele (uh-huh). "Le se ke la soabisa Moea o Halalelang oa Molimo oo le tšoailoeng ke ona hofihlela letsatsi la topollo ea lōna." Bonang haeba Baefese 4:30 e sa rialo, u ntoo bala melathoko ea hao u sale mohlala oa eona Mangolong tsela eohle mono, le ho fumana. Joale, "Le tšoauoeng hofihlela letsatsi la topollo ea lōna. Le tšoereng letšoao la Molimo o phelang."

⁵¹ Joale, le hopole, Moea o Halalelang ha o eso rutoe joaloka Kolobetso ea Moea o Halalelang haese kamorao ho Ntoa ea Lefatše ea 1. Re sa tsoa keteka jubilee ea rōna—ea rōna ea gauta, lilemo tse mashome a mane, kapa selemo sa mashome a mane sa jubilee.

. . . la phahamisa lentsoe la hooeletsa mangeloi a mane, a neng a neiloe taelo ea ho senya lefatše kapa leoatle,

La re, Le se ke la senya lefatše, le ha e le leoatle, kapa le sefate sefe, re be re eso ho tšoae bahlanka . . . (joale u theohela potsong ea hao, "bona bana," le a bona) . . . bahlanka ba Molimo oa rōna phatleng tsa bona. (le se ke la senya, le se ke la senya lefatše, le se ke la lumella

ho phatloloa ha bomo ea atomiki, ho se hlahle ntho e phethehileng ho eso tšoaoe *bahlanka* ba Molimo oa rōna)

⁵² Joale, hola re ka e khutlisetsa morao koana ra mathela teng, kamoo—kamoo esita le ho *Khanyetsø ea Ntoa ea Lefatše*, volumo ea bobeli, mohla Mogenerale Allenby a loanneng hofihlela a thutse litheko tsa Jerusalema, eaba o tsoibila a khutlela ho Khosi ea Engelane, le ho re, “Ha ke batle ho thunya motse, ka lebaka la ho khetheha ha ona.” A re, “Ke tla etsa joang?”

⁵³ A re, “Rapela.”

⁵⁴ ‘Me a boela a fofa holim’ a ona, ‘me ha ba entse joalo, ba itse, “Allanby o a tla.” ’Me Mahammeda a kahare ka mono, a hopotse a itse, “Allah o a tla.” Eaba ba phahamisa folaga e tšoeu ba inehela eibile Allenby o hoanta a kena Jerusalema a e hapa a sa thunya tholoana le e ’ngoe, ho latela liporofeto, ke hantle, a e busetsa ho Bajuda.

⁵⁵ Eaba ba hlahisa Hitlelara ho hlorisa Bajuda, le hohle lefatše ka bophara, le ho ba khannela bohle morao mono.

⁵⁶ ‘Me Bibele e itse O tla ba “khutlisa ka mapheo a ntsu.” ’Me mohla ba neng ba qala ba khutla... E ne e hlahisitsoe ho Makazine oa *Life* le ho a mang liveke tse ’maloa tse fetileng, moo ba ba khutlisitseng ka likete, ho kena Jerusalema, ba pepile metsofe eo mokokotlong oa bona. Ba ile ba hlongoa lipotso. Ke e tšoere lebanteng le ka setšoantšo. ’Me o itse... Mono keha ho leketla naleli ea Davida e ntla li ’ne, e leketlile mono; folaga ea khale ka ho fetisa lefatšeng, khetlo la pele e fanyehoa lilemong tse likete tse peli.

⁵⁷ Jesu o itse, “Etlareha le bona sefate sa feiga se hlahisa monoko, moloko ona ha o ka ke oa feta.”

⁵⁸ ‘Me e le bao ba kenya metsofe eo, ha thoe, “Eng? Na le khutlide ho shoela lehaeng?”

⁵⁹ Ho re, “Che, re tlide ho bona Messia.”

⁶⁰ ‘Me, moena, ke a u bolella, re monyako! Bahlanka ke bao, bao ba shebeletseng koana. Ha se sehlopha sena sa Bajuda se ka u qhekanyetsang le leino la hao la maiketsetso, ha se Mojude eo A buang ka eéna. Empa ke bao ba tlase mono ba bolokileng e—e melao le lintho, ’me ba sa ka ba tseba le hore Messia o teng.

⁶¹ ‘Me moena... koana Stockholm, Moena Petrus, o ba romeletse Litestamente tse Ncha tse milione, ’me ba li balile mohla ba li fumaneng. Ba itse, “Be, haeba enoa e le Messia, re ke re ’mone a hlakisa pontšo ea moporofeta, ’me re tla mo lumela.”

⁶² Malulo a makakang a bosebeletsi ba ka! Ke ne ke eme kahar’ a lihora tse peli tsa likhoro tsa Jerusalema, ho kena, ’me ke le Cairo, Egepeta. ’Me ke itsamaela mono, ’me Moea o Halalelang oa re, “U se ke oa ea hona joale.”

⁶³ Ka nahana, “Ke mpile ka e hopola feela. Tekete ea ka e se e rekiloe, ke tseleng ea ka. Monna ea nkhahlanyetsang o teng mono, seholpha sohle, likolo le ba joalo.”

⁶⁴ Ka tsoelapele nakoana, ’me Moea oa re, “U se ke oa! U se ee.”

⁶⁵ Ka khutlela ho agente ea litekete, ’me ka re, “Ke hlakola tekete ena. Ke batla ho nyolohela Athene, Gerike, Mars Hill.

⁶⁶ ’Me a re, “Be, tekete ea hao ea Jerusalema e a bitsoa, monghali,”

⁶⁷ Ka re, “Ke batla ho ea Athene sebakeng sa Jerusalema.” Moea o Halalelang o ntse a eme, hora eo ha eso fihle. Ha eso lōke feela.

⁶⁸ Shebang:

...tšoae bahlanka ba Molimo oa rōna phatleng tsa bona,

La re, Le se ke la senya lefatše, . . . re eso . . . tšoae bahlanka ba Molimo oa rōna phatleng ea bona. (mang le mang o a tseba leo ke Letšaoa la Moea o Halalelang; shebang)

’Me ka utloa palo ea bao ba tšoailoeng: . . . (joale, haeba e se Bajuda, shebang sena) . . . e le likete tse lekholo le nang le mashome-nne le ’ne ba melokong eohle ea bana ba Israele. (ha ho Molichaba ho bona. Mono ke nakong ea bofelo)

⁶⁹ Shebang! Moloko oa Juda, likete tse leshome le metso e ’meli; moloko oa Rubene, likete tse leshome le metso e ’meli; le ho theohela fatše, Gade, likete tse leshome le metso e ’meli; Nefthali, le—le—le ho theohela tlase ho Asere, le—le Sabulone, le meloko ena eohle e leshome le metso e ’meli ea Israele. ’Me leshome le metso e ’meli atisa ka leshome le metso e ’meli ke eng? Likete tse lekholo le nang le mashome a mane a metso e mene. Ke bao ba likete tse lekholo le nang le mashome a mane a metso e mene, Bajuda! Ha se Molichaba, Bajuda! Taba eo ha e amane le Monyaluoa ka letho. Ka hona Lipaki tsa Jehova li fositse thutong ea bona. Bibele e bua e hlakile ho thoe ke “Bajuda,” ’me ha se Balichaba. Ke bahlanka ba Molimo, ’me Molichaba ha eso baloe e le mohlanka le ka mohla. Rōna re bara le barali, e seng bahlanka.

⁷⁰ Joale le baleng kaofela ha Lona. Joaloka monna ea jang lehapu, ho itsoe, “Le monate, tlisang le leng hape.” Ke hantle, Molimo o beile le lengata la Lona mona. Joale, lemohang feela. Joale, joale re ho temana ea 8:

’Me ba leloko la Sabulone . . . tšoaea likete tse leshome le metso e ’meli. Bohle ba leloko la Josefa ba tšoailoeng ba ne ba le likete tse leshome le metso e ’meli. Ba leloko la Benjamine ba tšoailoeng e le le ikete tse leshome le metso e ’meli.

⁷¹ Le a bona, Johanne, e leng Mojuda, o elelloa e mong le e mong oa bona, o bone meloko e leshome le metso e 'meli ea Iseraele; likete tse leshome le metso e 'meli molokong o mong le o mong, leshome le metso e 'meli atisa ka leshome le metso e 'meli ke likete tse lekholo le mashome a mane a metso e mene. Ke bao, ha se Kereke, Bajuda. Bibele e boletse mona, bao bohle e ne e le "bana ba Iseraele," moloko o mong le o mong o bitsitsoe.

⁷² Joale shebang, temana ea 9:

Kamora tseo (joale Monyaluoa ke enoa o a latela) . . .

*Kamora tseo ka talima, . . . bona, bongata bo boholo,
bao ho seng motho ea tsebang ho ba bala, . . .*

⁷³ Ke ao maqhalaha a lōna a tempele, ke likete tse lekholo le mashome a mane a metso e mene feela, lethebana feela, balebeli ba banyenyane feela ba tempele ba tlāng ho ba le Monyaluoa; ke feela oa Hae—ke feela moetsana oa Hae. Bao ke likete tse lekholo le nang le mashome a mane a metso e mene, ke moetsana oa Monyaluoa; maqhalaha a tempele.

⁷⁴ Shebang! Ehlide, ke a tseba le fetela mona ho ea 14, le ho re, "Khele, ke ba latelang Monyaluoa hohle moo ba . . ." Ruri! Maqhalaha a latetse mofumahali hohle moo a ileng teng. Kannete! Empa e ne e le bomang? E ne e se letho haese baetsana, 'me ke hantle seo Lengolo le se tlalehang e le sona mona.

⁷⁵ Lemohang:

*'Me kamora tseo . . . 'me, ka bona, bongata bo boholo,
bao ho seng motho ea ka tsebang ho ba bala, ba lichaba
tsohle, . . . mefuta, . . . merabe, le puo, . . . (Monyaluoa oa
lōna oa Molichaba ke eo a nyoloha, ke hantle) . . .
bana ba eme . . . pel'a Konyana, ('Moloki oa bona ke eo,
Konyana, e seng molao; Konyana, Mohau) . . . ba apere
liaparo tse tšoeu, . . . (shebang, metsotsong e 'maloa,
ho bona haeba liaparo tse tšoeu e se ho lōka ha
mohalaleli) . . . ba tšoere lipalema letsohong la bona;*

*'Me bao ba ntse ba hooa ka lentsoe le phahamileng, . . .
(haeba e se tsoseletso ea Pentekosta, ha ke eso utloe e
'ngoe) . . . ba re, Poloko ke ea Molimo oa rōna o lutseng
teroneng, le ea Konyana.*

*'Me mangeloi kaofela a ne a eme a teetse hare terone,
le baholo le libopua tse phelang tse 'ne hare, . . . a oa
holim'a . . . ka lifahleho pel'a terone, a rapela Molimo,*

*A re, Amen: Poko, . . . khanya, . . . bohlale, . . .
teboho, . . . hlompho, . . . borena, matla, ho Molimo oa
rōna mehleng le mehla. Amen.*

⁷⁶ E utloahala e le nako ea tšebeletso ea tente, ha e joalo? Ho tla ba joalo! Eo e ne e le mang? Likete tse lekholo le mashome a mane a nang le metso e mene? Lekhale bo! Bongata bo boholo

bona boo ho seng motho . . . ba mefuta eohle, lipuo, le lichaba. Na ha u bone, motsoalle oa ka ea ratehang?

⁷⁷ Joale shebang, Le baleng feela. Joale:

Eaba e mong oa baholo o ahlamisa molomo oa hae, a re ho 'na, Bana ba apereng 'me . . . liaparo tse telele tse tšoeu ke bomang? 'me ba tsoile kae?

⁷⁸ Moholo a bolella Johanne, e leng Mojuda ea lemohileng likete tse lekholo le mashome a mane a metso e mene, a re, "Joale, u ba tsebile, bohole ke Bajuda. Empa bana ke bomang? Ba tsoile kae?" Na le bona seo moholo a se buileng? "E mong oa baholo a araba," (baol ke baholo ba ka pel'a Terone) "araba, a re ho 'na, 'Bana ba apereng liaparo tse tšoeu ke bomang? 'Me ba tsoile hokae? Joale, bohole re tseba Bajuda le selekane sa bona le joalo, empa bana ba hlahile hokae?" Joale shebang:

Ka re ho eéna, Monghali, ho tseba uena. ("Ha-ke-ke-ke tsebe," Johanne a re, "e mphomile feela. Ha ke tsebe.") *A re nqa ho 'na, Ke bao ba tsoang mahlomoleng a maholo,* ("Har'a liteko le litlokotsi tsena, maima le lifi, ke fetile." Le a bona?) . . . bana ba nyoloha mahlomoleng a maholo, ba hlatsoitse liaparo tsa bona, . . . (ka kerekeng? Na taba eo e utloahala hantle?) . . . ba hlatsoitse liaparo tsa bona, ba li soeufalitse maling a Konyana.

...ke ba leng pel'a terone ea Molimo, 'me ba o sebeletsa motše share le bosiu . . . (ke mang ea ntšebeletsang lelapeng la ka? Mohats'a ka. Na ke 'nete?) . . . le tempeleng ea Oona: . . . (ke eéna ea lulang lelapeng la ka le moruong oa ka, ke mohats'a ka. Ke eéna ea lulang le 'na, le ho hlatsoa liaparo tsa ka, le ho ntlhophisetsa lintho) . . . 'me ea lulang holimo teroneng o tla aha har'a bona. (Oh, banna, mamelang!)

'Me ha ba sa tla hlola ba lapa, . . . (ekare leetong joalo ba haletsoe ke lijo makhetlo) . . . leha e le hore ba ka lenyora; le hona ha ba sa tla hlola ba batoa ke letsatsi hape, leha e le ke lebatama le leng.

Hobane konyana e har'a terone e tla ba alosa, 'me e tla ba isa lilibeng tsa metsi a bophelo; 'me Molimo o tla hlakola . . . meokho leihlong a bona. (ke eéna Eo, Monyalua oa lóna ke eo)

⁷⁹ Likete tsa lóna tse lekholo le mashome a mane a nang le metso e mene ke tseo, bahlanka ba lóna ke bao. Ka hona "bana ba 'Muso" mona, motho ea ratehang ea botsitseng potso, ke e . . . ea botsitseng potso e hlokomeléhang ena. Ke a kholoa ke e siile kae mona kahar'a . . . nqa e 'ngoe, empa "mohla ba lahleloang kantle," ha se ho bolela ba tla lahleloa kantle ho mohopolo oa Molimo. Ba lahleloa hole le maseho a moea nakoana e seng kae. Le a bona, nakoana e seng kae feela.

⁸⁰ Hobane, eitseha moporofeta a bona Iseraele letsatsing lena leo a neng a tla ho lona, o itse, “Be, na ebe Iseraele o tla ba teng mohla Sabatha e tlosoang, ‘me—’me ba rekisa ka Sabatha joaloka letsatsi le leng, le lintho tsena tsohle.” O itse, “Be, ebe U—ebe le ka mohla U tla . . . Na Iseraele o tla lebaloa ka botlalo?”

⁸¹ O itse, “Leholimō le phahame hakae? Lefatše le tebile hakae? Le lekanye ka thupa e lekanyang e robetseng ka pel’ a hao.”

A re, “Ha ke khone!”

⁸² A re, “Le ’Na nke ke ka lebala Iseraele.” Ruri lekhale! Iseraele a ke ke a lebaloa le ka mohla.

⁸³ Ka hona, le a bona, *kamehla* le *Bosafeleng* ke lintho tse peli tse fapaneng. Iseraele o ile a lahleloa kantle, empa e seng hole le mohopolo oa Molimo. ’Me Pauluse o bua ka eona mona, hola ke e na le e . . . e na le nako ho hlahloba, hore ke tle ke fumane Lengolo ka potlako le . . . Nka lebisa ho ona, le a bona, ao a fihlang kelellong ea ka.

⁸⁴ Pauluse o a bua mono, a bolella Balichaba ho inkela temoso, kamoo re tsamaileng le seo re se entseng. Le a bona? Hoba efela ha Molimo o sa baballa lekala la pele, le a bona, athe rōna re hlonngoe feela teng, le a bona, . . . ’Me Iseraele, ea foufatsoeng ka sebakana, o boletse. Sebakana feela, Iseraele e ne e foufatsoe. Ke hantle, empa lesira le tla tlosoa leihlong la bona. ’Me ke mohla Molichaba oa ho qetela a tsoalloang ’Musong oa Molimo, ke mohla lesira la bona le tlosoang mahlong a Iseraele. ’Me ba tla re, “Enoa ke Messia esale re emetse ho Mo bona.” Ke hantle, empa monyako oa Molichaba o koetsoe (areka e—e koetsoe), ha ho sa le—ha ho a sala mohau ho Molichaba nakong eo.

⁸⁵ Joale, ke qeta nako e ngata potsong e le ’ngoe. ’Me motho o re, “Joale ha u finyelle ea ka.” Be, re tla potlaka re bone haeba re ke ke ra e finyella.

⁸⁶ Ke hantle, ke ena e—e telele. ’Me karoloana efe ea eona eo mosali a e botsitseng kapa monna a e botsitseng, e ka bang mang, e lōkile.

53. Na ha se ’nete hore Morena Jesu ha a shoela lefatše lohle, ho bolelang e mong le e mong lefatšeng, empa . . . (joale, ke tla e hhalosa, empa tšali . . . tona kapa tšali, e ka bang mang . . . Mongolo ekare oa mosali) . . . empa sebakeng sa bana—empa sebakeng sa bana ba likarolong tsohle tsa lefatše, bao Ntate a Mo neileng bona? Bana bao pele ho motheo oa lefatše, Molimo o ba reretseng Bophelo Bosafeleng, ba khethiloeng ho ea ka boithatelo ba Oona ka Sebele?

⁸⁷ Ruri, ke hantle! Ke hantle haholo. Jesu o shoetse . . . e seng feela ho . . . O e rerile.

⁸⁸ Ha re boneng, ke a lumela e . . . Ke—ke lumela ba balile . . . potso e tla hlaha holim’ a sena:

54. Lengolo le re bolella le sa belaetse hore ba teng ba ke keng ba—bao ba ke keng ba pholosoa. Ka lebaka leo...

⁸⁹ Ke hantle haholo. Lengolo le re bolella batho ba le teng ba reriloeng ke Molimo ho tsuoa.

⁹⁰ Na le rata ho e bala, e tle e suthisoe mohopolong oa lōna kamehla? Ke hantle, ha re phetleng joale Buka ea—ea Juda, Juda mona o a bua.

Ke le Juda, mohlanka oa Jesu Kreste, le ngoanabo Jakobo, ke ngolla ba halalelitsoeng ke Molimo Ntate, ba boloketsoeng Jesu Kreste, ba bitsitsoeng ke re:

⁹¹ Na le a bona o E ngolla mang? E seng moetsalibe, ha se tšebeletso ea boevangeli feela, empa ho ba halalelitsoeng le ba bitsitsoeng. Le a bona, bao ba seng ba le ka ho 'Muso.

Le ke le atisetsoe, mohau, le khotso, le lerato.

Baratuoa, . . . ke cheseha ho le ngolla taba tsa poloko eo re e hlahiselitsoeng hammoho, ke phehella ke pelō ho etsa joalo, ke tle kea le khothatse . . . ho loanela tumelo eo e bahalaleli ba ileng ba e fuoa ka nako e le 'ngoe.

Hobane har'a lōna ho khukhunela batho ba bang, bao tsuo ea bona e seng e le khale ngotsoe, . . . (joang?) . . . ba fetolang mohau oa Molimo oa rōna bohlola, . . .

⁹² Khale e ngotsoe! Ha se hore Molimo oa na oa lula teroneng, oa re, "Ke tla pholosa monna enoa, Ke tla lahleheloa ke monna eane." E ne e se eona! Molimo o shoele, 'me mohla Jesu a neng a eshoa, pheko e akarelitse lefatše lohle nqa motho e mong le e mong. Empa Molimo, ka boitsebelopele . . . Ha se hobane O rata . . . Ha O rate ha mang a ka timela. O ne o batlide e mong le e mong a bolokehe. E ne e le oa Oona—e ne e le morero oa Oona oa Bosafeleng. Empa efela haeba E le Molimo, O tsebile ea tlang ho khona le ea neng a ke ke a bolokeha. Haeba O sa tseba, ekabe'ba ha se Molimo mohlokaphello. Bibele e re ruta joalo. Re tle re . . .

⁹³ Hola re ena le nako ho phetla ho Baroma, khaolo ea 8, 'me le ka e bala. Baroma, khaolo ea 9, le libaka tse ngata Bibeleng. Baefese, khaolo ea 1. 'Me le ka bona hobane khetho ea Molimo, hore e tle e eme e tiile, Molimo o ntšitse selekane se sa tlamelloa liphehelo. O rometse Jesu ho shoela bao O ba tsebileng pele. Le a bona?

⁹⁴ Ha se ho bolela feela, "Be, u re Molimo ha o tsebe haeba a tla bolokeha kapa che?" Molimo o tsebile hore u tla pholosoa, le haeba u tla khona kapa che, le pele lefatše le qala, ho seng joalo E ne e se Molimo.

⁹⁵ Na le a tseba lentsoe *hlokaphello* le bolelang? Shebang ho . . . shebang tloltontsoe le fumane seo lentsoe *hlokaphello* le se bolelang. Khele, O tsebile letsetse ka leng le neng le tla fihla

lefatšeng, ntsintsi ka 'ngoe, genate ka 'ngoe, kokoanajeme ka 'ngoe. O e tsebile le pele li hlaha, ho seng joalo E ne e se Molimo. Ruri, O e tsebile. Ke hantle.

⁹⁶ Hape, ka mono, Molimo o ke ke—ke ke oa bolela, “Ke tla nka *uen*a, le ho u romela liheleng; ‘me Ke tla nka *uen*a, le ho u romela Leholumōng.” Molimo o batlile ha lōna ba babeli le ea Leholumōng. Empa ka boitsebelopele O tsebile molotsana e tla ba mang, le khabane ea Mokreste e tla ba mang. Le a bona? Ka baka leo Oa lōkela ho romela Jesu ho shoa, ho pholosa monna eo O mo tsebileng pele a tla batla ho pholosoa. Le a e tšoara na?

Joale shebang mona:

Mangolo a re bolella bana ba ke ke ba bolokeha.

55. Haeba pheko e akarelitse bohole e...morabe oa Adama kaofela, athe ba bang ba timetse hobane ba sitiloe ho inehela tsepiso, kapa tlhophiso, na ebe...boholo... lokolohileng...na a ke ke...e ka ba matla a fetisang mananeo a Bosafele le morero ea Molimo o Matlaohle? Na e ka ba... (Motho joale, potsong ena ea bobeli, o a botsa.) Na ebe thato e lokolohileng ea motho e ke ke ea fetisa mananeo a Bosafele le morero oa Molimo o Matlaohle ka matla?

⁹⁷ Che, moena kapa khaitseli. Ruri ha ho joalo! Ha ho letho le fetisang ka matla... Thato ea motho e ke ke ea bapisoa le—le morero oa Bosafele oa kahlolo ea Molimo. E ke ke ea etsoa, le a bona.

⁹⁸ Joale, potso ea hao ea pele e ne e népile. Potso ea hao ea bobeli e ke ke ea eba joalo, motsoalle. Hoba sheba, sheba kamoo e ngotsoeng kateng mona, le a bona: “Na ebe thato e lokolohileng ea motho e ke ke ea fetisa mananeo a Bosafele le morero oa Molimo o Matlaohle ka matla?” Khele, ruri lekhale. Ho ka tla joang ha thato ea motho e ka fetisa morero oa Molimo o Matlaohle ka matla? ‘Me motho boemong ba kelella ea hae ea nama ka ho lakatsa seo a se batlang, ebe matla a fetisang Bosafele, boo Molimo o phethehileng o ka bang bona? Ruri lekhale! Ho ke ke ha ba joalo, le a bona. Molimo oa Bosafele, ka morero oa Oona o phethehileng, u ka rialo joang hore e—e motho oa kelella ea nama tlase mona, ho sa tsotelehe tōka e kakang (athe a ka ba joalo), merero ea hae e ke ke ea lekanngoa le sena: e—e morero oa Bosafele le Molimo o Matlaohle.

⁹⁹ [Khaitseli o bua ka phuthehong—Mohl.] E. [“Ke masoabi. Ke batlile ho botsa potso, ‘me—‘me ha u utloisise seo ke se bolelang mono.”] Yaa, ke hantle, khaitseli. [“Ha ke lumele taba eo ho hang, ke ne ke bolela ‘Morero oa Molimo oa Bosafele o hlola thato e lokolohileng ea motho.””]

¹⁰⁰ Ke hantle. Oh, be, e tla ba ke—ke e balile ka phoso, le a bona. Ke hantle. E, u népile hantle ke hona, khaitseli. Ha ke a tseba e ne e le potso ea hao—ea hao. Ke hantle. Empa, le a bona, ke e ile ka e tšoara mona, le a bona, ... Joale e re ke bone, “Ho

akaretsa morabe oa Adama kaofela, athe ba bang ba timetse ke hobane ba sa inehela—inehela tlhophisetso ea ona, na ebe thato e lokolohileng ea motho e ke ke ea fetisa mananeo a Bosafele le morero oa Molimo o Matlaohle ka matla?" Le a bona, ke—ke tolokile mohopolo oa hao ka phoso mono. E, morero oa Bosafele oa Molimo o Matlaohle. Be, e a e batalatsa ke hona.

¹⁰¹ Ke khlooa e mong le e mong a utloisisa seo. Le etsa joalo, phahamisang matsoho a lōna. Ke—ke morero oa Bosafele oa Molimo o Matlaohle, ehlile o fetisa hole—fetisa hole se ka etsoang ke motho.

Joale:

56. Ha ke utloisise leseli la kolobetso ea metsi, khaolong ea 28 ea... temana ea 19, ea Mattheu. Ebe see se bolela'ng?

¹⁰² Be, joale, koana e ka nqosa motsotso feela. 'Me motho a phetle le 'na ha a batla, ho Mattheu, khaolo ea 28, le temana ea 19. 'Me re tla fumana, hantle feela seo motho a... mashopelihlano... Joale, taba Ena e tla u matlafatsa ha u ka E tiisetsa. E—E molemo, le a bona. Ha se taba ea boevangeli, empa Ke...

¹⁰³ Joale re a... Joale mona batho ba leka ho bolela, "Bibele e a itoantsa." Joale, ke batla motho a phetle ho... le Mattheu 28:19. Kapa, che, ke batla motho e mong... Mattheu 28:19. Ke batla motho a phetle ho Liketso 2:38. Lōna ba tšoereng Bibele tsa lōna mono, Moena Neville?

¹⁰⁴ 'Me ke batla le ipalle eona joale. "'Me ke tla le bontša khohlano e tiileng Bibeleng. Le seo e—e Bibebe... Batho ba re 'Bibebe ha e Itoantsé,' ke batla le nahaniisise taba ena."

¹⁰⁵ 'Me taba ena e pulufatsa liporofesa lihlooho. Empa E—E bonolo. Joale ke tla bala Mattheu 28:19, le ntšale morao. 'Me ba bang ba lōna le Liketso 2:38, e hlophiseng. Ke tla qala ka temana ea 18, ena ke khaolo e koalang ea Mattheu:

*Eaba Jesu o atamela a bua le ba hae barut-... a bua
le bona, a re, Ke neiloe borena bohle leholimōng le
lefatšeng. (matla a Ntate a kae ke hona?)*

¹⁰⁶ Eféla ha matla ohle Leholimōng le lefatšeng a neiloe Jesu, Molimo o lahlehetsoe ke matla ha O joalo? Kapa na ebe O phethile pale feela? Ebe O ne a etsa motlae? O ne a tiile ka Eona! Na ha Le lumele A ne a tiile ka Eona? Be, eféla ha A neiloe matla ohle, ebe matla a Molimo a kae ke hona? E ne e le Molimo! Ka népo. Ke eona feela taba ea eona. Ke phetho se neng se le teng. Le a bona, E ne e le Molimo; kapa hoseng joalo motho e mong o ne a lutse mono, a le matla, ha a sa na ona. Le a bona? Ka hona le ke ke—le ke ke la E ferekanya. Re tla e finyella hantle tabeng eona ena. Ke hantle:

*... Matla ohle leholimōng le lefatšeng a... leholimōng
le lefatšeng.*

E-eang ka ke hona, . . . le rute lichaba tsohle, le ba kolobetse ka lebitso la Ntate, le la Mora, le la Moea o Halalelang:

Le ba rute ho boloka tsohle tseo ke le laetseng tsona: . . . bonang, ke na le lōna kamehla eohle, ho isa le bofelong ba lefatše.

¹⁰⁷ Liketso 2:38, motho e mong a bale. Beang butle motsotsotso feela. Liketso, khaolo ea 2, temana ea 38. Joale, mamelisang ka hloko joale, le ka mavello, 'me joale re tla bona. Joale, mona ke matsatsi a leshome hoba Jesu a ba boelle joale, Mattheu 28:19, "E-eang ke hona, le rute lichaba tsohle, le ba kolobetse ka lebitso la Ntate, le la Mora, le la Moea o Halalelang."

¹⁰⁸ Joale, Petrose, matsatsi a leshome kamorao . . . Ba ne ba eso rere therò le e 'ngoe. Ba nyolohetse phaposing e kaholimō ea Jerusalema, ba ema mono (matsatsi a leshome) Moea o Halalelang o tle o be o fihle. Ba e tsebang ba bakae? Lethebeng lena. Petrose ke enoa, Petrose o tšoere linotlolo tsa 'Muso. Ke hantle, re tla bona seo a se etsang. Mattheu, kapa ke bolela Liketso 2, ha re nkeng temana ea 36:

Ka baka leo ntlu eohle ea Israele e ke e tsebe ruri, hobane Molimo o se a entse Jesu, eo lōna . . . thakhisitseng, Morena le Kreste 'moho.

"Morena le Kreste 'moho." Ha ho makatse, matla ohle Leholimōng le lefatšeng a neiloe Eéna.

Itseha ba utloa hoo, ba hlajoa lipelō, 'me ba re ho Petrose le . . . baapostola ba bang, Monna le baheso, re tla etsa joang?

Petrose a araba . . . Petrose a re ho bona; Bakang, e mong le e mong oa lōna, le be le kolobetsoe ka lebitso la Jesu Kreste tšoareleng ea libe tsa lōna, 'me lōna le tla nka neo ea Moea o Halalelang.

¹⁰⁹ "Joale, toantsano e teng. Mattheu e itse, 'le kolobetse ka lebitso la Ntate, Mora, Moea o Halalelang,' athe Petrose o itse ho Liketso 2:38, matsatsi a leshome kamorao, 'Bakang, le kolobetsoe ka Lebitso la Jesu Kreste.'"

¹¹⁰ Khetlo le latelang ha pako e boleloa—e boleloa, kapa, kolobetso, ka Bibeleng, ke Liketso e—e khaolo ea 8, mohla Filipi a theohileng a rerela . . . ho—ho Basamaria. 'Me ba amohetse Moea o Halalelang, 'me ba kolobetsoa ka Lebitso la Jesu Kreste.'

¹¹¹ Khetlo le latelang ha e boleloa, ke mohla Balichaba ba E amohelang, Liketso 10:49:

'Me eareha Petrose . . . a bolela taba tseo, bonang, Moea o Halalelang oa theohela holim'a . . . bao . . . le ho ba utloa.

Hobane ba ne ba ba utloa ba bua ka lipuo lisele, ba boka Molimo. Eaba Petrose o bolela,

Na o teng joale ea ka hanang le metsi, ka ho bona bana...ba amohetse Moea o Halalelang joaloka rōna tšimolohong?

Joale a laela hore ba kolobetsoe ka lebitso la Morena Jesu Kreste.

¹¹² Joale nka tšoara lethoana mona, ho le supisa lethoana le tle le se e lebale; ke tla etsa setšoantšonyana. Ke tla beha...E mekae melo-...lichaba tsa batho lefatšeng? Li tharō: Kama, Sema, le batho ba Jafeta. Ba bakae ba tsebang taba eo? Re tsoa ho bara ba bararō bao ba Nohe. Batho ba Kama, batho ba Sema...Batho ba Jafeta ke Anglo-Saxon, batho ba Sema ke...Meloko e merarō, eona ke: Mojuda, Molichaba, le halofo Mojuda le Molichaba. Joale, lemohang, mohla mono...’me enoa ke Kama...Sema, Kama, le Jafeta.

¹¹³ Joale, khetlo la pele ha kolobetso e tlalehoa, e tlalehiloe ke Johanne Mokolobetsi. Ba tsebang ’nete eo ba bakae? Ke hantle, ke tla e robatsa mona, ka mona, Johanne Mokolobetsi. ’Me Johanne o kolobelitse batho nokeng ea Jordane, a ba laela ho baka le lōkisa litaba le Molimo, le ho rekisa thepa ea bona, le ho fepa mafutsana, le masole ho khotsofalla moputso oa bona, le ho lōkisa litaba le Molimo. Ba bakae ba tsebang seo? ’Me o ba kolobelitse nokeng ea Jordane, a sa ba fafatse, a sa ba tšeles, empa ho ba qoelisa! Ha u sa E lumele, tlotlontsoe ke ena, fumana haeba e se *baptizo*, e leng “kolobetsa, qoelisoa, ho kenya tlas’ā, ho epeloa.” Joale, khetlo la pele kolobetso e kile ea boleloa, e ne e le mono.

¹¹⁴ Khetlo labobeli kolobetso e kileng ea boleloa, Jesu o e laetse, Mattheu 28:19.

¹¹⁵ Khetlo le latelang ha kolobetso e boleloa, e ne e le Liketso 2:38.

¹¹⁶ Khetlo le latelang ha kolobetso e boleloa, e ne e le ho khaolo ea 8 ea Liketso.

¹¹⁷ Khetlo le latelang ha kolobetso e boleloa, e ne e le ho—ho khaolo ea 10 ea Liketso.

¹¹⁸ ’Me re ntano qala mohla Jesu a boletseng, mona, “E-eang ke hona, le rute lichaba tsohle, le ba kolobetse ka Lebitso la Ntate, le la Mora, Moea o Halalelang.”

¹¹⁹ Joale ha re qhaqholleng Lengolo lena, pele. Ke le boleletse “ha ho Lengolo le le leng ka Bibeleng le thulanang le le leng.” Ke batla le ntlisetse eona. Ke e botsitse lilemo tse mashome a mabeli le metso e tšeletseng, ’me ha ke eso le fumane le joale. Ha ho Lengolo le thul-...Haeba le thulana le Lona, ke taba e ngotsoeng ke motho. Che, monghali, ha ho khanyetsano ka Bibeleng!

¹²⁰ Joale ka taba ena u itse, “Ho ka thoeng ka seo?

¹²¹ Mona Jesu oeme a re, “E-eang ke hona, le rute lichaba tsohle, le ba kolobetse ka Lebitso la Ntate, Mora, Moea o Halalelang.”

¹²² ‘Me Petrose o boela a hlanoha, a re, “Bakang, le kolobetsoe e mong le e mong oa lōna, le kolobetsoe ka Lebitso la Morena Jesu Kreste.”

¹²³ “Khanyetso ea lōna ke eo.” Ka chebeho. Joale, haeba u bala ka kelello ea nama, e se ka pelō e butsoeng, e tla ba khohlano.

¹²⁴ Empa ha u ka E bala ka kelello e bulehileng, “Moea o Halalelang o e patetse mahlo a ba masene le ba bohlale,” Jesu o itsalo, le ho leboha Molimo ka eona, “le ho E senolela masea a tlang ho ithuta.” Haeba u tšoere kelello, ’me e se kelello ea boitšepo, empa pelō e ratang ho ithuta, Moea o Halalelang o tla u ruta lintho tsena.

¹²⁵ Joale haeba e sa bapise... U itse, “U tseba ka’ng haeba u nepile?” Be, e bapa le Lengolo lohle. Ha u sa etse, u fumana khohlano e bataletseng mona.

¹²⁶ Joale ke batla ho u botsa potso. Ena ke khaolo ea ho qetela ea Mattheu. Ke tla e qotsa ka mokhoa oa bootloana, e le hore e mong le e mong oa lōna... bana ba tle ba E utloisise.

¹²⁷ Ho tea mohlala, ha u bala pale ea lerato, ’me qetello ea eona e itse, “‘Me Maria le Johanne ba phela ka thabo hamorao.” Be, u a ipotsa na Johanne le Maria ba phetseng ka thabo hamorao ke bomang. Joale, ha u batla ho tseba na Johanne le Maria ke mang, u mpe u khutlele maqalong a buka le ho fumana na Johanne le Maria ke mang. Le ho khutlela morao mona le ho fumana na Maria e ne e le mang, le leloko leo a tsoang ho lona; le hore na Johanne e ne e le mang, le lelapa leo a tsoileng ho lona, le lebitso la hae hoba e ne e le mang, le kamoo ba neng ba nyalane, le tsohle mabapi le eona. Na ke ’nete?

¹²⁸ Be, ho a tšoana le ho bala Bibele mona. Mohla... Shebang, Jesu ha eso re, “E-eang le kolobetse batho ka lebitso la Ntate, ka lebitso la Mora, ka lebitso la Moea o Halalelang,” ho latela kolobetso ea batho ba matriniti. Ha ho Lengolo la eona ka Bibeleng. Ha a eso re, “Ka mabitso (m-a-b-i-t-s-o), mabitso” la Ntate, Mora, le Moea o Halalelang.

¹²⁹ O itse, “Ka (l-e-b-i-t-s-o) lebitso,” bonngoe. Sheba Bibele ea hao mono ’me u fumane haeba e lōkile, Mattheu 28, “Ka Lebitso.”

¹³⁰ E seng “ka lebitso la Ntate, ka lebitso la Mora,...” moreri oa triniti o kolobetsa joalo. “Ka lebitso la Ntate, ka lebitso la Mora, le ka lebitso la Moea o Halalelang.” Ebile ha e eo Bibeleng.

¹³¹ “Hape ka lebitso...” U itse, “Be, hape ka lebitso la ‘Ntate, Mora, le Moea o Halalelang.’” Ka hona Lebitso le ikhethang le teng mono.

¹³² Be, na *Ntate* ke lebitso? Ba bakae ba tsebang hoba *Ntate* ha se lebitso. *Ntate* ke tlotla. *Mora* ha se lebitso. Ba bakae ba tsebang hoba *Mora* ha se lebitso? Bontate ba bakae ka mona? phahamisa letsoho la hao. Bara ba bakae ka mona? phahamisang matsoho a lōna. Be, ke mang oa lōna ea bitsoang “*Mora*”? Ke mang oa lōna ea bitsoang “*Ntate*”? Ke hantle, *Moea o Halalelang* ha se lebitso. *Moea o Halalelang* ke seo O leng sona. Batho ba bakae ka mona? phahamisa letsoho la hao. Le a bona? Ke moo, *Moea o Halalelang* ke seo O leng sona. *Ntate, Mora, le Moea o Halalelang*, ha ho mabitso har’ a ona; ha ho lebitso ho eona.

¹³³ Be, hape, haeba A itse, “*Kolobetsa ka Lebitso la Ntate, Mora le Moea o Halalelang*,” re mpe re khutle ho fumana hoba *Ntate* ke *Mang, Mora, le Moea o Halalelang*. Ha re phetleng morao khaolong ea 1 ea *Mattheu* ke hona, ho bona na *Thaka* lena e ne e le *Mang* hore lōketse ho kolobetsa ka *Lebitso* lefe. ’Me re qala joale ka *Mattheu*, khaolo ea 1, le temana ea 18. Balang ka kelo hloko, lōna bohole.

¹³⁴ Joale, uena ea botsitseng potso, mona ke batla ho taka papiso e seng kae. Joale mona ke tla hloma lintho tse tharō le tle le utloisiake ka ho hlaka, (ho taka papiso) li-Bibele tsena le libuka, ho taka papiso.

¹³⁵ Ke hantle, ke batla le nchebe ka kelo hloko, e mong le e mong a ntšale morao joale. Joale, *enoa* mona ke *Molimo Ntate*. *Enoa* mona ke *Molimo Mora*. *Enoa* mona ke *Molimo Moea o Halalelang*. Joale, ba utloisisang ba bakae? Le e phete le ntšetse morao. *Enoa* tlase mona ke mang? [Phutheho e re, “*Moea o Halalelang*.”—Mohl.] *Moea o Halalelang*. *Enoa* ka mona ke mang? [Phutheho e re, “*Ntate*.”] *Enoa* mona ke mang? [Phutheho e re, “*Mora*.”] Joale, botriniti ba e lumela seo, Le a bona, hoo ho re fetola bahetene, e tala hakaalo feela.

¹³⁶ Mojuda; ke ka lebaka leo u ke keng oa etsa letho ka Mojuda. O itse, “U ke ke oa khekhetha *Molimo likotoana* tse tharō oa Mo neeletsa Mojuda.” Empa, ruri lekhale, le ’na lekhale. Le a bona? Che, monghali. Ke *Molimo* o le mong. Ke eona hantle feela. Ha se *Melimo* e meraro. Joale lemoha kamoo—kamoo—kamoo E leng bonolo kateng.

¹³⁷ Joale re tla fumana. Joale, enoa ke . . . *Enoa* ke *Mang*? Ba bang ba bue joale. *Molimo Mora*. Na ho joalo? *Enoa* ke *Mora*. Be, ka hona *Ntate* oa *Hae* ke *Molimo*. Na ho joalo? Ba lumelang hore *Ntate* oa *Hae* ke *Molimo* ba bakae, phahamisa letsoho la hao. Ba bakae ba lumelang hore *Molimo* ke *Ntate* oa *Jesu Kreste*? Ke hantle.

Ho tsoaloa ha Jesu Kreste ho tlide ka mokhoa ona: . . .

¹³⁸ Joale re khutla ho fumana hore *Ntate, Mora, le Moea o Halalelang* ke *Mang*, eo *Mattheu* a itseng “kolobetsa ka *Lebitso* la.” Le a bona, *Lebitso*; e seng mabitso joale, hoba e ke ke ea eba mabitso, hoba ha ho lebitso mono.

*Ho tsoaloa ha Jesu Kreste ho ttile ka mokhoa ona:
Ha... Maria 'mae a lebelelitsoe ke Josefa, ba eso kōpane,
a tšoha a emolisitsoe ke Molimo Ntate. (Na Bibebe e
rialo? Bibebe e reng?)... a tšoha a emolisitsoe ke Moea
o Halalelang.*

¹³⁹ Joale ke ofe ho *bana* e leng Ntate oa Hae? Joale, Bibebe e re *enoa* ke Ntate oa Hae, 'me Jesu o itse *enoa* e ne e le Ntate oa Hae. Joale, Ntate oa Hae ke ofe? Joale, haeba a ne a ena le bontate ba babeli, taba eo e joang? Haeba a bile le bontate ba babeli, Ke ngoana bonyatsi.

¹⁴⁰ Joale ha re baleng ho tsoela pejana:

*Josefa monna oa hae, kahobane e le motho ea lōkileng,
o ne a sa lakatse ho mo hobosa, empa a hopola ho mo
lahla ka sephiring.*

*Empa eitseha a sa hopotse teng, bonang, lengeloi la
Morena ho la mo hlahela ka toro, la re, Josefa, mora
David, u se ke oa tšaba ho inkela Maria mosali oa hao:
hobane se emotsoeng ke eéna ke sa... [Phutheho e re,
“Moea o Halalelang”—Mohl.]*

¹⁴¹ Eona eng? Moea o Halalelang? Be, ebe Ntate ekaba ntate oa hae joang, le Moea o Halalelang ebe Ntae oa Hae ka eona nako eo? Joale, ekaba O ne a ena le bontate ba babeli, haeba e le 'nete. Che, monghali! Moea o Halalelang KE Molimo. Moea o Halalelang KE MOLIMO. Ka baka leo Molimo le Moea o Halalelang ke Motho a le mong, ho seng joalo O ne a ena le bontate ba babeli.

¹⁴² Le a bona, re a fumana hore *Johanne le Maria* ke mang, kamorao ho nakoana. Ke hantle, re a fumana haeba Petrose le Mattheu ba ne ba leka ho thulana kapa che, ho bona haeba Lengolo le Itoantsa. Ke khaello ea kutloisiso ea moea. Ke hantle.

Empa eitseha a sa hopotse teng...

¹⁴³ Ke fetile ho lona, temana ea 20. Joale ea 21:

*O tla tsoala mora, ... (Motho enoa, e leng oa bana?
Motho a le Mong, Molimo)... u tl'o mo rea lebitso...
(eng?) [Phutheho e re, “JESU”—Mohl.]... hobane ke
eéna ea tla pholosa sechaba sa hae libeng tsa sona.*

*...hohle ho hlahile kaofela, hore... etsahale ho
boletsoeng ke Morena ka moporofeta, ea itseng,*

*Bonang, moroetsana o tla emola, a tsoale mora, 'me
lebitso la Hae o tla bitsoa Emmanuel, ... ka phetolelo,
Molimo o na le rōna.*

¹⁴⁴ Ka hona ebe *Johanne le Maria* ba phetseng ka thabo kamorao e ne e le bomang? Ke Mang ea itseng, “E-eang ke hona, le rute lichaba tsohle, le ba kolobetse ka lebitso la Ntate, Mora, Moea o Halalelang”? Ntate e ne e le mang? Lebitso la Ntate, Mora, Moea

o Halalelang? [Motho o re, “Jesu”—Mohl.] Ruri, bo. Ehlide, ha ho khohlano mono. Le hanyenyane. E mpa e batalatsa Lengolo leo feela. E ne e le Ntate, Mora, le Moea o Halalelang. Molimo e ne e le (Emmanuele) ea ahileng le rōna, a ikahetse tabernakeleng e bitsoang “Jesu.”

¹⁴⁵ Joale, thuto ea bonngoe ea kereke ea Bonngoe, ke banana le eona ke tīle, ho nahana Jesu a le mong joaloka monoana oa hao. O ne a tlamehe a be le ntate. Haeba A sa etsa, E ka ba ntate oa Hae ka Sebele joang? ’Me haeba Ntate oa Hae e ne e le monna joalokaha matriniti ha a bolela, ekabe’ba O tsoetsoe e le ngoana oa bonyatsi ka bontate ba babeli. Ka hona, le a bona, le fositse babeli ka ho pheha khang. Le a bona?

¹⁴⁶ Empa ’Nete ea eona, Ntate, Mora, le Moea o Halalelang ’moho, ke Botho bo le bong. [Sekheo lebanteng—Mohl.] . . . ka ho aha tabernakeleng ea nama, ho tlosa sebe sa lefatše. Ke hantle haholo, “Molimo o na le rōna.” Joale, ka baka leo, mohla Mattheu 28:19 . . .

¹⁴⁷ Joale, le batlisise Mangolo, ha le ka khaoletsa motho a le mong ka Bibeleng . . . (joale e nahaneng, le se e lumelle ho le feta holimō) . . . moo motho a le mong ka Bibeleng a kileng a kolobelsoa ka lebitso la “Ntate,” le “Mora,” le “Moea o Halalelang,” khutlela ho ’na u mpoelle hore ke moikaketsi, ’me ke tla qhoaela letšoao mokokotlong ’me ke haole le motse. Ha e fumanoe Mangolong, ho qala ho Genese ho isa ho Tšenolo. Empa motho e mong le e mong ka Bibeleng o kolobelitsoe ka Lebitso la Jesu Kreste!

¹⁴⁸ U re, “Bea butle motsotsso, moreri. Ho ka thoeng ka Johanne? Ha a kolobetsa ka lebitso ho hang!”

¹⁴⁹ Ke hantle, re fumana se hlahileng; ha re phetleng koana ho—ho e—Liketso, khaolo ea 19. Teng re fihlela barutuo ba Johanne. Motho e mong le e mong o ne a kolobelitsoe ka Lebitso la Jesu Kreste, hofihlela joale re khaoletsa sehlopha sena holimō mona. Liketso, khaolo ea 19. ’Me re qale ka palo joale, ’me re fihlela barutuo ba Johanne:

’Me ha etsahala, . . . eitseha Apollose (e ne e le ramolao, a sokolohile) a le Korinthe, Pauluse a haola linaha tse kaholimō tsa . . . Efese: o fihlela teng barutuo ba bang, (e ne e le balateli ba Jesu)

¹⁵⁰ Haeba u lemohile khaolo e lelekelang mono, ba ne be thabile monyakeng o moholo ba hlaba litlatse ba nyakaletse. Ba tsebang seo e le ’nete ba bakae? ’Me Akila le Prisilla ba etetse kōpano. ’Me Pauluse le Silase ba shapuoe ba hlobolisitsoe, ba hlahletsoe chankaneng. Na ho joalo? ’Me ba fihla mona, ba fihlela Akila le Prisilla. ’Me ba tšoaretsoe tsoseletso holimō mono ke moreri oa Baptise, ea bitsoang Apollose, eéna a kholisa ka Mangolo hore “Jesu e ne e le Kreste.” Joale Pauluse o a mo fumana:

*...Pauluse a haola linaha tse kaholimō tsa...
Efese:...a fumana barutuo ba bang,*

*A re ho bona, Na u amohetse Moea o Halalelang ho
tloha u lumetse?...*

¹⁵¹ Joale, uena motsoalle ea ratoang oa Baptise, haeba e sa khothole e—e likhetla tsa thutamolimo ea *hao*, athe u itse “amohetse Moea o Halalelang *mohla* u lumelang.”

¹⁵² Empa Pauluse a batlile ho botsa Mabaptise ana, “Na le amohetse Moea o Halalelang *esale* le lumetse?” Joale shebang seo ba se buileng:

*...Eaba ba re ho eéna, Re a tseba...hore Moea o
Halalelang o teng.*

*A re ho bona, Ho efe na... (joale, ha le batla ho nka tlotlontsoe ea Segerike mona, e tla le bontša, “Lōna le kolobelitsoe *joang* ho eng?”)...Ho eng...lōna le kolobelitsoe? ’Me ba re ho eéna, Tlas’ a Johanne morao mona. Johanne o re kolobelitse.*

¹⁵³ Joale ke batla ho botsa: Holane oa fumana kolobetso eo, u ka e khotsofalla? Monna ea isitseng Jesu metsing, a kolobelitse Jesu Kreste, ke monna ea kolobelitseng batho bana. Ke kolobetso e khabane e ntle eo: ha se hofafatsoa, ha se ho tšeloa, empa ho qoelisoa Jordane ea khale e seretse moo Jesu a kolobelitsoeng teng. E nahaneng.

¹⁵⁴ Pauluse o itse, “Na le amohetse Moea o Halalelang *esale* le lumetse?” Bao...a...

Ba itse, “Re a tseba...hore ebe Moea o Halalelang o teng na.”

A re, “Athe le kolobelitsoe *joang*?

Ba re, “Re kolobelitsoe.”

“Le kolobelitsoe *joang*? ”

“Ho Johanne!”

¹⁵⁵ Joale shebang seo Pauluse a se buileng. Shebang mona:

*A re ho bona,...na ebe le kol-...Nqa Johanne...’Me
ba...*

*’Me Pauluse a re, Eféla Johanne o kolobelitse...ka
kol-...ya pako, a bolella ho ea...batho,...ba lumele
ho ea tlileng kamora hae, e leng, ho Jesu Kreste.*

¹⁵⁶ Le a bona, Johanne o kolobeletse *nqa* pako, empa kolobetso ea metsi ka Lebitso la Jesu ke tšoareleng ea libe. Pheko e ne eso hlahisoe lekhatheng leo, libe li ke ke tsa hlakoloa. Joale...E ne e mpa e le karabelo ea letsoalo, joaloka tlas’ a molao. Luka 16:16, e itse, “Molao le baporofeta li ile tsa tiea ho fihlela Johanne, haesale *mohlang* oo ’Muso o a boleloa.” Joale sheba. ’Me... Shebang.

'Me Pauluse a re ho-... (joale shebang) ... Na le amohetse ...

¹⁵⁷ Eona temana ea bo5—bo5:

'Me eitse ha ba utloa hoo, ba kolobetsoa (hape) lebitsong la ... Jesu Kreste.

¹⁵⁸ E népahetse na? Ka hona batho bana, batho ba Liketso 2, ba kolobelitsoe ka Lebitso la Jesu. Bajuda ba kolobelitsoe ka Lebitso la Jesu. Balichaba ba kolobelitsoe ka Lebitso la Jesu. 'Me motho e mong le e mong Bibeleng eohle o kolobelitsoe ka Lebitso la Jesu.

¹⁵⁹ Joale fumanang sebaka se le seng moo mang a kolobelitsoeng ka tsela efe esele, 'me ke tla khutlela hantle mona ho le supisa moo kereke ea Katolike e amohelang teng, ho thoe le a e khumamela. Le ho re, "Maprotesta a 'maloa a ka pholosoa kahobane ba tšoere lithuto tse 'maloa tsa Katolike, tse kang kolobetso ka lebitso la 'Ntate, Mora, le Moea o Halalelang'; etsoe kereke e halalelang ea Katolike e ruile tokelo ho fetolela kano eo ho tloha ho Lebitso la Jesu, ho ea ho 'Ntate, Mora, le Moea o Halalelang,' 'me likereke tsa Protestanta li a e lumela." Ena ha e etse joalo, ke tsitlallela Bibebe. Ke lumela Bibebe.

¹⁶⁰ U re, "Moena Branham, ana o laela batho kolobetsoa hape?" Ruri ehlie! Pauluse o e entse, mona.

¹⁶¹ Joale shebang, ha re tšoareng Bagalata 1:8, le ho fumana seo Pauluse a se buileng:

... leha e ka ba rōna, kapa lengeloi le tsoang leholimōng, ha a ka le bolella evangeli esele ... a neeloe anathema.

¹⁶² Ke moo, "Leha e ka ba rōna kapa lengeloi." Pauluse, monna eo, ea laetseng batho ho kolobetsoa hape athe kolobetso ea bona e fetisitse ea hao, moena oa ka; hoba Johanne Mokolobetsi e ne e le motoala oa Jesu ka Sebele, motoala oa bobeli; a ntse a kolobetsa motsoalae ka sebele nokeng ea Jordane, eaba o fetoha hantle a kolobetsa barutuoa ba Johanne. 'Me Jesu o itse, "E ke ke ea sebetsa!" kapa Pauluse o E buile, a ntoo ba laela ho kolobetsoa hape ka Lebitso la Jesu Kreste pele ba ka amohela Moea o Halalelang; kamora ho hlaba littlatse le ho boka Molimo ka thabo e khōlō, ho tšoeroe nthohali—nthohali ea tsoseletso, le ho kholisa ka Bibebe (ka thutamolimo ea bona) hore Jesu e ne e le Kreste. Ba bakae ba tsebang hobane leo ke Lengolo? Khaolo ea 18. Ruri ke eona. Ke moo. Ka baka leo ha ho potso ka Eona.

¹⁶³ Joale ha nke ke le fe senotloloana. Joale, o ne a sa tsoa taolong, empa ho Luka... Mattheu, khalo ea 16. Jesu, mohla ba theohileng thabeng, O re, "Ke le Mora motho batho ba re Ke mang?"

¹⁶⁴ "Ba bang ba re U 'Elia,' le ba bang ba re u e mong oa 'baporofeta,' le ba bang ba re U 'sena, sane.'"

¹⁶⁵ A re, “Empa lōna le re ke Mang?”

¹⁶⁶ Petrose a re, “U Kreste, Mora oa Molimo o phelang.”

¹⁶⁷ Shebang! “U lehlohonolo, Bar-jona (mora Jonase), hase nama le mali a u senoletseng Sena.” Amen!

¹⁶⁸ Le a bona, E lōketse ho fihla ka tšenolo ea moea. Hase nama le mali tse boleletseng Abele a fositse (Kaine, hoba o fositse), ha e a bolelloa Abele ho thoe “Kaine o fositse.” Empa E ne e le tšenolo ea Abele, “E ne e le mali!” Re tla finyella potso eo metsotsong e ’maloa. E ne e le mali, e seng litholoana, tse re tlositseng serapeng sa Edene. “E ne e le mali,” ’me Abele, ka tšenolo ea moea . . . a senoleloa mali ke Molimo. ’Me eéna, “Ka tumelo” Baheberu 11:1 e re, “o hlahiselitse Molimo sehlabelo se fetisang sa Kaine ka molemo. Etsoe, Molimo o amohetse sehlabelo sa hae.” Ke moo. Le a bona, o se hlahositse ka tumelo, ka tšenolo.

¹⁶⁹ Joale shebang, “Hase nama le mali tse u senoletseng sena,” (ho fihla koana ho Morena Jesu) “empa Ntate oa Ka ea Leholimōng o u senoletse Eona. ’Me holim’ a lejoe lena (tšenolo ea Jesu Kreste). . . Holim’ a lejoe lena Ke tla haha Kereke ea Ka, ’me likhoro tsa lihele li ke ke tsa E hlola.” Ke seo A se buileng. Ka Moea tš- . . . “Me Ke re u Petrose, ’me Ke tla u nea linotlolo tsa ’Muso. ’Me seo . . . Hobane kanale ea hao ea moea e butsoe lipakeng tsa mona le Leholimō. Nama le mali: ha u a kenela seminari, ha u a kenela sekolo, ha u a nka e—e—e lekala la thutamolimo. Empa oa na oa tšepa Molimo, ’me Molimo o u senoletseng Eona, ’me ehlide ke Mangolo a hlakileng a E tlamahanyang ’moho. Ke re u Petrose, ke hantle, ’me Ke tla u nea linotlolo; ’me seo u se tlamang lefatšeng, Ke tla se tlama Leholimōng; seo u se lokollang lefatšeng, Ke tla se lokolla Leholimōng.”

¹⁷⁰ ’Me Petrose ebile sebui ka Letsatsi la Pentekosta, mohla bohle ba tšabileng ho bua, a bua a re, “Banna ba Judea le lōna bohle ba aheletseng Jerusalema, tsebang le mamele Mantsoe a ka. Batho bana ha ba tahoia joalokaha le lekanya, etsoe e sa le hora ea borarō ea letsatsi, empa ena ke taba eane e boletsoeng ke moporofeta Joele. ‘Mehleng ea bofelo,’ ho bolela Molimo, ‘Ke tla tšela nama eohle ka Moea oa Ka. Bara ba lōna le barali ba tla porofeta.’ ’Me holim’ a bahlanka ba Ka ba batona, le ba batšeħali, Ke tla tšela Moea oa Ka. Ke tla etsa mehlolo holimō maholimōng le tlase lefatšeng, mouoane oa mosi le meholi. ’Me mehleng eo pele ho Letsatsi le leholo le le tšabehang la Morena, e mong le e mong ea tla rapela Lebitso la Morena o tla bolokeha.’” Ke moo. Oh, banna.

¹⁷¹ “Ha nke ke le bolelle phatlalatsa hore mopatriareka Davida,” o itse, “o ne a shoe a ba a patoa, ’me lebitla la hae le sa ntse le le teng har’ a lōna hofihlela letsatsi la kajeno. Empa erekaha, e ne e le moporofeta, o bonetse . . . o Mo bone letsohong la Hae le letona, “Me nke ke ka sisinyeha. Le nama ea Ka e tla phomola ka

tšepo hobane A ke ke a tlohela moea oa Ka liheleng, leha e le ho tlohela Mokhethoa oa Hao ho A bone ho bola.””

¹⁷² “Me Davida o shoele,” a re, “a ba a patoa, ’me lebitla la hae le har’ a rōna hofihlela letsatsi la kajeno. Empa erekaha e le moporofeta, o bonetse ho fihla ha Ea Lōkileng pele, Molimo o Mo entse Morena le Kreste ’moho.” Oh, banna. Mangolo a lōna ke ao. Ntho ke eo. Ke eona.

¹⁷³ Joale mona re a fumana, ke hona, tsela e népileng, le tsela ea sebele, le eona feela tsela e hlophilong le ka mohla . . . ’Me Petrose o ne a tšoere linotlolo, ’me mohla a neng a rera, ba itse . . . Joale shebang, Kereke ea pele ke ena. Lōna Makatolike mamelang Sena. Lōna Macampbellae mamelang Sena. Lōna Mabaptise le Mamethodise mamelang Sena. Le lōna Mapentekosta mamelang Sena. Church of God, Manazarene, Pilgrim Holiness, mamelang Sena.

¹⁷⁴ Petrose o ne a tšoere linotlolo, a fuoe boholo, ho seng joalo Jesu o buile leshano. ’Me ha ho kamoo A ka buang leshano, “lintho tse peli tse sa fanyeng, ha ho kamoo Molimo o ka buang leshano.” O ne a tšoere linotlolo. Jesu o mo file linotlolo. Ha A tsoha ka—ka letsatsi la borarō joalo, keha A tšoere linotlolo tsa lefu le, lihele, empa e seng linotlolo tsa ’Muso. Li ne li nkiloe ke Petrose! Ke hantle haholo.

¹⁷⁵ ’Me joale shebang, Petrose, linotlolo li leketlile lephakong la hao, ’me u ntse u rera. Potso e a fihla, basokolloa ba pele ba kereke e ncha. Kereke ea Bakreste ba pele. Joale Katolike, joale Baptise, Methodise, Presbeteriene, na le ipapisitse le thuto ea Kereke e Ncha? Fumanang haeba le le joalo.

... Monna *le ba heso, re ka etsa joang?*

... Petrose a ema ’me a re . . . Bakang, . . . e mong le e mong ho lōna . . . (ela hloko, moshanyana; kamoo o hlomang linotlolo tseo mona, Kreste o tla se hloma Leholidōng) . . . Bakang, e mong le e mong oa lōna, ’me le kolobetsoe *ka lebitso la Jesu Kreste* . . . (u kena joalo nthong Ena) . . . tšoarelōng ea libe tsa lōna, ’me *le tla nka neo ea Moea o Halalelang*.

¹⁷⁶ Linotlolo tsa “ngomela” mona, ’me tsa “ngomela” Mane. Lebaka leo barutuoa ba Johanne ba ileng ba tlameha ho tla kolobetsoa, hape, ka Lebitso la Jesu Kreste (pele ba ka kena Leholidōng), ho fumana Moea o Halalelang. O ile a boloka Lentsoe la Hae. Ka hona ha e le ferekanye joale, na e etsa joalo? Le a bona? Ruri, Mattheu 28:19 e ne e le litlotla, e seng Lebitso.

¹⁷⁷ Ke hantle, re saletsoe ke nako e kae? Na re ka fumana metsotso e meng e leshome le metso e mehlano ho araba lipotso tse ling tse ’maloa ka potlako ruri? Na re ka khona? Ke hantle, re tla potlaka ruri. Ke na le tse peli hantle mona fatše, ke ne ke batlile ho li finyella ka potlako, ho li ngomela le sena, ha nka khona. Ke ntano tšoarana le tse ling Sontaha hoseng.

- 57. Na ebe Kaine e ne e le lehlomela la sepente? (Ena e ntle.)
Haeba ho le joalo, hobaneng Eva a sa emola haese hoba
Adama a mo tsebe?**

E a tšoana . . . Potso e latelang e a tšoana:

- 58. Ana e—e sefate seo Eva a jeleng tholoana ea sona ke sa
tloaelo? O se bone se le monate ho jeoa.**

¹⁷⁸ Ke hantle, moena, khaitseli, e bang e ne e le mang, ha re khutleleng ho Genese re fumane lethoana mona. Ha re tšoareng Genese 3:8, ka kōpo. Ke hantle, le mamelise ka hloko joale.

¹⁷⁹ Joale ke tla hlahisa pale. E ne e le hloeko le khalalelo, sebe le tšilafalo li sa fumanoe. Joale ke tla nka . . . ea lōna . . . potso ena ea pele pele. Sefate se bophelong . . . bohareng ba tšimo, bohareng ba sefate. *Sefate* e ne e le “mosali.” Joale ke tla le pakela eona ka Mangolo ha le ka mamella metsotso e ‘malao.

¹⁸⁰ Re tla tšoarana pele le haeba a ne a . . . haeba a emotse pele a tseba Adama kapa che, kapa pele . . . Mamelang:

Joale ba utloa lentsoe la MORENA Molimo ha a tsamaea tšimong, le ka mantsiboea ha ho pholile: Adama le mosali oa hae ba ipata mahareng a lifate tsa tšimo ba tšaka sefahleho sa MORENA Molimo.

Eaba MORENA . . . o bitsa Adama, a re . . . U hokae na?

A re, Ke utoile lentsoe la hao tšimong, 'me ke tšabile, kahobane ke feela; . . . (joale, ha a tseba seo letsatsi pele; ntho e hlahile, ntho e mo senoletse bofeela ba hae) 'me ke ipatile.

*A re, Ke mang ea u tsebisitseng hobane u ne u feela?
Ebe na ha u ka oa ja sefate, . . . ?*

¹⁸¹ Ho ja sefate ho mo lemositse hobane u feela? Khafetsa ke itse, (ha se motlae, ha ke e bolelele e le motlae) “Empa haeba ho ja liapole ho lemosa basali bofeela, re mpe re boeile re abe liapole.” Le a bona? E ne e se bofeela. E ne e se sefate, apole eo ba e jeleng, e ne e le kopano ea boleng. Shebang:

. . . Ebe na ha u a ka oa ja sefate, seo ke u laetseng ka re u se ke oa se ja na?

Monna a re, Mosali eo u 'mphant eéna, hore a lule le 'na, ke eéna ea mphileng . . . sefate, ka li ja.

Eaba MORENA . . . bolella mosali a re, Na keng eo u e entseng? Mosali a re, Noha e nthetsitse, . . . (huh?) . . . Noha e nthetsitse, 'me ke jele. (ke khale le pele a emola, le a bona, ka Adama)

¹⁸² Adama o ile a mo tseba, eaba o emola le ho tsoala—le ho tšoala Abele.

¹⁸³ Empa ke batla ho le botsa, ho tsoa ntlhakemong ea tlhaho. Joale ho le kholisa hobane e ne e le sefate, mosali e mong le e mong ke sefate sa tholoana. Ba bakae ba tsebang seo? Na ha u

tholoana ea 'mao? Ehlide, u eona. “’Me bohareng ba tholoana, kapa bohareng ba sefate, tholoana eo a sa lōkelang ho e ama.”

¹⁸⁴ Ha u ka elelloa, na ebe Jesu e ne e se Sefate sa Bophelo? Na ha A tsepisa koana ho Santa Mattheu, kapa, Santa Johanne, khaolo ea 6, “Ke ’Na Bohobe ba Bophelo bo tsoang ho Molimo Leholumōng”?

¹⁸⁵ Ekareha monna a ja se beoang ke mosali . . . ’Me le shebe, ka tsoalo ea . . . ka mosali, bohole re a shoa; hobane re tlas’ a lefu (na ho ke hantle?) ka tsoalo ea mosali. Ka tsoalo ea monna, bohole re phela kamehla. Mosali ke sefate sa lefu, monna ke sefate sa bophelo; hobane mosali ha a na le bophelo ka ho eéna. Ke hantle haholo. E—e jeme ea bophelo e tsoa ho monna, ka tšoanelo. Ho kena ho mosali, ’me mosali ha se letho haese seqhotsisi; lesea ha le a hokeloa, ke mokhubu feela. Ha ho le phophi ea mali a ’mé ka ho lesea; le tšoalloang maling a hae, empa ha ho le phophi e ’ngoe ka ho lesea. E-eang le fumane . . . kapa le bale buka ea ngaka, kapa le botse ngaka efe, le tla bona. Ha a fumanoe, che, monghali, ha ho le phophi e le ’ngoe ea ona ho hang. Ke lehe feela, ke phetho. ’Me bophelo bo tsoa ho monna.

¹⁸⁶ Ke papiso e ntle ho bontšoa hore ka mosali, ka tsoalo ea tlhaho, bohole re tlameha ho shoa, hobane re shoele le ho qaleng; ’me re ka phela feela ka Monna Kreste Jesu. ’Me ke tseo lifate tse peli serapeng sa Edene. Ha le e bone na?

¹⁸⁷ ’Me shebang! ’Me ka letsatsi leo ha emisoa Kerubime ho lebela sefate sena. Hore ha ba ka latsoa Bophelo Sefate seo, ba tla phela kamehla. Ba bakae ba tsebang seo? Bohle ba ka phela kamehla. ’Me khetlo la pele ha ba ka se latsoa . . . Lengeloi le itse, “Re tla Se lebela.” Ba emisa Likerubime mono ka lisabole tseo tsa mollo ka nqa bochabela ho Se lebela. Tsa Se busetsa Bochabela, le ho lebela Sefate seo ka lisabole tse tukang mollo ba tle ba sitoe ho kena ho Se fihlela (Sefate sena).

¹⁸⁸ ’Mohla Jesu a fihlileng, O itse, “Ke ’Na Bohobe ba Bophelo, ha motho a ja bohobe bona a ke ke a shoa le ka mohla.” Ke seo Sefate sa lōna.

¹⁸⁹ Mosali oa lōna ke eo, kōpano ea lōna ea bong e tlisang lefu ke eo. Ruri joalokaha takatso ea bong e le teng, lefu le e salang morao le teng. ’Me ruri joalokaha tsoalo ea moea e le teng, Bophelo Bosafeleng bo teng bo salang le Eona. Lefu le hlahile ka tsoalo ea mosali, le Bophelo bo hlahile ka tsoalo ea Monna. Amen! Ke moo.

¹⁹⁰ Joale ha re khutleleng morao ho Kaine. Na le ka mpolella moo moea oo le bokhopo li tsoang teng? Eféla ha Kaine . . . shebang, eféla ha Kaine e ne e le mora oa Adama e beng e le mora oa Molimo, bobe boo bo hlahile kae? Taba ea pele mohla a na a tsoaloa, a hloea, e le ’molai, a le mona. ’Me joale nkang tlhaho ea ntatae, hona qalong ea tšimoloho, Lusifere, ’me o ne a le tšimolohong . . . a le mona ka Mikaele, eona ntho e qalileng

bothata bohole. Ba bakae ba tsebang seo? 'Me Kaine o ne a futsitse tlhaho ea ntatae, a honohela moena oa hae a 'molaea. Hloeko eo . . . tlhaho eo e ka sitoa ho tsoa molapong o hloekileng oo. E tsoa . . . ea tlameha ho tsoa molapong o khopameng ona. 'Me le lemohe Kaine, hang hoba a tsoaloe.

¹⁹¹ 'Me hoba Abele a tsoaloe a mo hlahlama, eaba o emolisoa ke Adama, 'me a tseba—a mo tseba eaba o tsoala mora Abele. 'Me Abele e ne e le papiso ea Kreste; mohla—mohla Abele a neng a bolaoa, Setha a tlatsa litulo tsa hae; lefu, kepelo, le tsoho ea Kreste, ka papiso.

¹⁹² Empa, joale, Kaine a rapela; mesebetsi eohle ea hae ea nama, joaloka kereke ea nama kajeno: ba tsamaea kereke, ba rapela. Kaine o rapetse; e ne e se mohanyetsi, e se lekomonisi. Kaine e ne e le molumeli; o ile ho Molimo, a haha aletare. A etsa tšebetso eohle ea borapeli joaloka Abele, feela a sa tšoara tšenolo ea moea ea thato ea Molimo. Ho bokoe Lebitso la Morena! Ke moo. Na le a E bona? A sa tšoara tšenolo ea moea, 'me ke bona bothata ba kereke kajeno. 'Me Jesu o boletse A tla haha Kereke ea Hae holim'a tšenolo eo ea moea. Le a E tšoara na? Oh, banna, mahlo a hao a ka tutuboloha joale. Le a bona, tšenolo ea moea.

¹⁹³ Kaine o tlide: a haha aletare, a rapela, a hlahisa sehlabelo, a khumama, a boka Molimo, a khumamela Molimo, a etsa se seng le se seng ka borapeli ba Abele. 'Me Molimo o mo hanetse hanang kahobane a hlokile tšenolo ea moea!

¹⁹⁴ Sala lesika leo la Kaine morao: ho theohela hantle ho haola areka, ho tloha arekeng ho nyoloha hantle ho kena Israele, ho tloha Israele ho kena hantle ho Jesu, le ho tloha ho Jesu hantle hofihlela letsatsi la kajeno; ho bona haeba kereke eo ea mohopoloo oa nama, ea molaotheo, e thafetseng le e sataletseng, ea borutehi, ke bolela banna ba kakatletseng mangolo, ba tsebang thuto eohle le lithutabomolimo, ba ka e hhalosa, moshanyana, ka mokhoa [Moena Branham o thanya monoana oa hae—Mohl.] oo, empa a sa tšoara tšenolo ea moea! Ke hantle. Ke eona thuto ea Kaine.

¹⁹⁵ Bibele e itse, "Ho malimabe bao! hobane ba tsamaile ka thuto ea Kaine, ba mathile ka phoso ea Balaame, 'me ba timetse ka khanyetso ea Kore." Eona Buka eo, Juda, o itse, "Ba reretsoe tsuo ena." Ehlide, ba joalo. Le a bona? Baalame e ne e le eng? E ne e le bishopo. A okametse kereke eohle. O nyolohetse mono ka molaotheo oa bokhoni ba hae. A nyehela . . . Le mo shebe ha a eme holimō mono ka bokhalala, a eme holimō mono ka bokhalala ba bona bo boholo. 'Me e ne e se bahanyetsi ba tumelo, e ne e le balumeli.

¹⁹⁶ Ona—ona morabe oa Moabe o tsoa ho morali oa Lota. Lota ea phetseng . . . Morali oa Lota ea phetseng le ntatae, a emola ngoana, eaba ngoana eo o . . . ho tsoile morabe oa Moabe. 'Me e le mokhahali oa bolumeli. Batho ba baholo, ba khabileng, ba

hlophile mahosana le likhosи le likhalala. Ba hlophile dibishopo le dik'hadinale le ntho eohle.

¹⁹⁷ 'Me mona ha nyoloha sehlopha sa bathethehi bahalaleli, sehlopha se seng, Iseraele; sehlotšoana sa khale se sa hlophisang bolumeli, se sa khethengmekha ea bolumeli. 'Me ba entse sohle se ka etsoang 'mapeng, le bobe hape. Empa taba ea eona, ba ne ba tšoere tšenolo ea moea, 'me Molimo o le ho bona ka Tšiea ea Mollo.

¹⁹⁸ Oh, ke—ke tseba lintho tsa bona tsa nama, 'me batho ba itse, "Sehlopha se joalo se soeufalitsoeng, ha ho letho le ka etsoang haese ho ba rahela kantle." Empa ba ne ba tšoere tšenolo ea moea, 'me ba tšoere Lefika le teiloeng, ba ena le noha ea borase, le Tšiea ea Mollo e falla le bona. Alleluia! Ke a tseba le—le nkuka ke roalehile, empa ha ke joalo. Ke mpa ke ikutloa monate.

¹⁹⁹ Lemohang! Ha ke nahana, "Ona Molimo oo, kajeno, o phela le rōna." E sa le eona tšenolo ea moea ea Lentsoe. Ruri, ke eona. E lōkile ka Bosafeleng. Ho bokoe Lebitso la Morena! E, monghali.

²⁰⁰ Eaba o eme holimō mona, ka molaotheo; sehlopha seo sa Mabaptise le Mapresbetriene se eme leralleng, ba tšoere bishopo oa bona kantle mane. 'Me ba topetsoe borapeli hakaalo, le borapeli bo tšoanang, ba khumamela Molimo o le mong. Ba itse, "Shebang tlase mane sehlopha seo sa lithole. Khele, ha ba hlophisa le bolumeli. Ha se letho ke sehlopha sa bahalaleli bathethehi, se kakatletsang, se tlerolang."

²⁰¹ Na ho joalo? Ka tšoanelo, ba ne ba le joalo. Haeba u sa lumele e ne e le bahalaleli bathethehi, khutlela morao ho Genese le ho fumana mohla ba tšetseng. 'Me ho entsoe mohlolo, eaba Meriama o phamola moropana a tloseletsa a hlakothisa ka lebopo, a o tiletsa; a hobela ka Moea, le Moshe a bina ka Moea. Haeba e se sehlopha seo re se bitsang tokoloho... bahalaleli bathethehi, ha ke tsebe keng; ho bina le ho kaba-kaba le ho rorisa. Lichaba li ntse li ba hloile ka linako tsohle, empa Molimo o ena le bona. Ba ne ba tšoere tšenolo ea moea, ba setse Tšiea eo ea Mollo morao.

²⁰² 'Me Moabe o itse, "Joale, shebang mona. Re tla mema dik'hadinale tsohle le dibishopo tsohle, le baokameli bohole ba lilika, re ba ntšetse mona. Re tla etsa selo ka eona, kahobane re sechaba sa borapeli. Ha re ka ke ra lumella qhekanyetso e joalo e tsoakana le bolumeli ba rōna bo tšekehileng."

²⁰³ Ba ntoo ba ntšetsa kantle mono. 'Me ba haha lialetare tse leshome le metso e 'meli; le Iseraele ea etsa hona hoo, lialetare tse leshome le metso e 'meli. Ba rapalatsa lihlabelo tse leshome le metso e 'meli, lipholoana; le Iseraele e entse joalo ka tšoanelo, seo Molimo o se hlokileng. Ba rapalatsa holim'a eona linku tse leshome le metso e 'meli, tse emetseng ho tla ha Morena Jesu Kreste; linku tse leshome le metso e 'meli libaka bobeli.

²⁰⁴ Likhalala tsohle, dibishopo le bohole, li eme kathoko. Ba hotetsa sehlabelo. Ba rapetse, ba phahamisetsa matsoho a bona

ho Jehova le ho re, “Jehova, re utloe!” Ba ne ba leka ho etsa’ng? ‘Me Baalame oa bona oa khale a hlaha ka mokhoa oo, ‘me Moea oa theohela holim’ a hae. Ehlide (empa kelello ea hae e le ea nama).

²⁰⁵ Moea o ka theohela holim’ a moikaketsi, Bibele e itsalo. Le nkuloile ke ruta seo, joale. “Pula e nela ba lōkileng le bakhopo.” Empa e tlameha ho bapa le Lentsoe, ke hona moo le e tšoarang teng.

²⁰⁶ Hoba a etse joalo, ’me e . . . eitseha Moea, koana, holim’ a hae o bolela ’Nete, a leka ho rohaka Iseraele, ’me a hlohonolofatsa Iseraele.

²⁰⁷ Joale, haeba Molimo o hlompha kereke e khabane, le bishopo ea khabane, le molisa ea babatsehang, le sehlopha sa batho ba keneng sekolo, O ne a tlameha ho amohela sehlabelo seo, hoba ho latela molaotheo o ne a nepile hakaalo kaha Iseraele a nepile; empa a sa tšoara tšenolo ea moea ea Lentsoe le thato ea Molimo. Ke moo, ke eona phapang kajeno.

²⁰⁸ Shebang Jesu. Ba itse, “Matjoing koana ka mothaka eo. Re mo tseba e le Mosamaria. O a hlanya. U ka hla re ruta na? Be, u tsoaletsoe bofebeng. Ha u letho u mpa u le ngoana bonyatsi. Ntatao ke mang? U re Molimo ke ntatao, monyefoli tooe! Khele, u batla ho re bolella? Esale re le bareri, esale re le bishopo; ho haola ka bontatemoholo-holo-holo-holo-holo-holo-holo ba rōna e ne e le bareri le bishopo. Re hlahetse ’me re holetse kerekeng. Re fetile liseminari tse phahameng. Re tseba Lentsoe ka leng ho fihla letereng. Athe u leka ho re ruta? U kene sekolo hokae le ka mohla? Thuto ena u e fumane hokae?”

²⁰⁹ A re, “Le ba . . . ntata lōna ke liabolosi,” Jesu o boletse.

²¹⁰ Ba ne ba sa ateloa ke lipontšo le meeka har’ a bona. Ba sa ateloa ke lipholiso tsa Khalalelo le lintho har’ a bona. Ba sa fuoa mahlohonolo har’ a bona. Empa Jesu e ne e le tšenolo ea moea ea Mangolo ka botlalo.

²¹¹ Ba itse, “Khele, ho ngoliloe *hore-le-hore*.”

²¹² ‘Me Jesu a re, “E, ho boetse ho ngoliloe.” Empa Molimo oa netefatsa monna oa Oona ka lipontšo tsa hae.

²¹³ Petrose o buile hona hoo, ho Liketso 2, o itse, “Lōna banna ba Iseraele; Jesu oa Nazaretha, Monna eo le mo supisitsoeng ke Molimo har’ a lōna, ka meeka le ka mehlolo eo Molimo o e entseng ka Eéna har’ a lōna, joalokaha le tseba le lōna.” (ke moo) “Eéna ea teletseng . . . ka ho itsebel- . . . ke Lekhotla la Sanhedrine holimō mane. Empa ka morero o tiileng oa Molimo, Molimo o Mo baletse ho shoa lefu lena. Le Mo nehetse ho thakhisoa ka matsoho a bokhopo le ’molaile. Le thakhositse Khosana ea Bophelo, Molimo o Mo tsositse. Rōna re lipaki tsa taba eo.”

²¹⁴ Shuu, moreri ea mokakang! Ha ho a . . . ha a khona le ho saena lebitso la hae, empa a tseba Molimo. Ba boletse “ba

lemohile hobane o tsamaile le Jesu.” Ruri, ke tšenolo ea moea. Oh, banna. Joale, ke moo.

²¹⁵ Le Kaine o mathile moleng oo, kereke eo ea kelello ea nama e mocheng oo kajeno. Kereke ea Moea e sa ntse e atetsoe ke Tšiea ea Mollo, e sa ntse e atetsoe ke lipontšo, meeka, e sa ntse e atetsoe ke Kreste eo; ea netefatsang ho qala koana ho konyana e shoang, le serapeng sa Edene, hofihlela ho Khutleng ha Konyana labobeli. Ruri, oa maobane, kajeno, le kamehla.

²¹⁶ ’Me lesika leo la Kaine, le topetsoeng borapeli le bentšitsoeng la thuto, ho theoha hantle ka ho tšoana; ka ho tšoana feela, ho itšoanelia letsatsi le leng le leng. Baseholli le bahlorisi, joaloka Kaine ho Abele, ba joalo le kajeno, ’me esale ba le joalo ’me ba tla lula ba le joalo; bomosalumele, ba mohopolo oa nama. Ke hantle.

²¹⁷ Joale Genese 3:8, mona ke boetse ke beha 20, ke ne ke e shebile nakoana e fetileng:

*Eaba Adama o rea . . . Eaba Adama o rea mohatsae . . .
Eva; kahobane e le ’ma ba utloang bohle.* (le a bona, ke kamorao ho thetsa ena)

²¹⁸ Kaine o ne a . . . “Joale bea butle!” U re, “Ebe noha e ka khona joang, sepente?”

²¹⁹ Empa, moena, sheba mona, Bibele ha e mo tlalehe e ne e le sepenete; Bibele e itse, “O ne a feta liphoofolo tsohle tsa naha ka bohlale.” E ne e se sehababi, e ne e le sebata. E ne e le . . . ’Me mono . . .

²²⁰ Ha nke ke u fe neonyana ena lipakeng tsa rōna, ha u rata. Mahlale a lubakane ka botlalo hona mono. Ba fumana selo se haufi le motho, e le shimpanzi. Ba bakae ba tsebang seo? Empa ntho e teng lipakeng mono. Empa ha ba khone ho bapisa masapo a shimpanzi le masapo a motho, koana ke selo se haufi ka ho fetisisa. Ba ka mo nyolla ho tsoa ho hlapisehoho. Ba ka mo nyolla ho tsoa ho mokulubete. Ba ka mo nyollela ho phoofole le phoofole e ’ngoe le e ’ngoe. Ba mo nyollela ho bere. Ha u tšoara bere u e tlosa letlalo, le itšoanelia le la mosali e mocha feela. Ke ntho e tšoanang feela. Ho mo khutlisa le ntho eohle, ho ba emisa mono, le ho nyoloha ho emisa mosali joaloka . . . ho emisa mosali ka mokhoa oo. E itšoanelia le e—le e—le bere. Leoto le mela ka ho tšoana, le letsoho le mela ka mokhoa ona, le itšoanelia le la motho. Empa shimpanzi e haufi ho feta moo. E batla e le eona, empa ha ba e fumane.

²²¹ Sephirinyana ke sena, ha u batla ho se tseba. Na u tseba moo se larileng? Ba se patetsoe. Ba ka epolla masapo ohle ha ba batla. Ba ka cheka . . . Bommetlatšoantšo ba ka cheka, le mahlale, le likronike li ka lekanya makhapetla a nako ka litekanyo tsa atomiki, empa ba ke ke ba e qhautsa. Hoba ke sepente e neng e batla e tšoana le motho ho feta eng le eng lefatšeng, ’me Molimo oa mo rohaka oa mo hahabisa ka mpa ea hae, ’me o khutletse

morao koana ho noha e sa tšoaneng le motho. Joale ingoae hlooho, boramahlale bao, 'me ba nke ntho eo nakoana.

²²² Empa Bibele e a hlalosa e re, "O ne a le bohlale har'a liphoofofolo tsohle tsa na ha." Ke hantle. E le lehokelo leo le hlhang lipakeng tsa motho le manki, 'me Molimo o mo rohakile oa mo hahabisa ka mpa ea hae ka baka la—baka la ketso ea hae. O ekile mosali enoa, 'me a tsoala mora oa hae oa letsibolo e leng Kaine, tlasa khahlamelo ea tlhaho ea sepente, diabolosi, ea keneng ho sepente, ea entseng seo.

²²³ 'Me a emola a tsoala, a boela a emola kamorao ho keko ea hae. Joale shebang, o ile a eka, a batla a . . . Be, o ile a sitoa. Empa eéna, ka tšoanelo, e ne e le ka molao ha a emotse ka monna oa hae, hoba eka tšoha ebile makhetlo a mangata, ngata hamorao, likhoeli tse ngata le matsatsi a mangata hamorao; le ke ke la bolela, ha re tsebe, empa o kile a tsoala ka Adama.

²²⁴ 'Me motho e mong o tšoere potso, ho re, "Be, mora . . . o itse o tla . . . Eareha Kaine a tsoaloa, o itse 'o fumane mora ho Morena." Ehlide bo, ehlile, e ne e tlamehile joalo. E ne e le molao oa tlhaho. Le lóna kajeno le a itšoanelo. Ha le tšoaloa, Molimo ha o theohe feela ho u bopa. U lehlomela la ntatao le 'mao. 'Me u tla ba . . . ho tla ba le . . . bana ba hao e tla ba mahlomela a hao. Ke boikatiso ka linako tsohle, ho theoha hantle, joaloka lifate tsa peō le lintho tse kang tseo; empa ho boela ho ea tšimoloho. Ke tšepa seo se e hlalosa.

²²⁵ Nako ea röna e kae? Ha ho a sala letho. Mamelang e ntle ena nako e latelang ea . . . 'me Sontaha re tšoarana le: "Ka Moea o le mong re kolobeletsoa bohole 'Meleng o le mong . . ." (Re batla ho tseba seo.) "...Kreste." Nakong eo . . . Joale, ke tsepile ho fumana mangolo a 'maloa, mangolo a lókileng mabapi le ntho eo [Moena Branham o arabela taba ena ho Karolo II, serapa 361, e le potso ea 60—Mohl].

²²⁶ E ntle ke ena, joalo feela ka . . . Na le ka 'mamella motsofso o le mong hape kapa e 'meli, ho araba sena? E ka khona ho ikaraba.

59. Ha—ha u re “bakhopo ba ke ke ba cha ka Bosafeleng” . . .
 (Be, joale ke nkane le Paki ea Jehova mocheng, ha ke re?) . . .
Ha u re bakhopo ba ke ke ba cha ka Bosafeleng, u bolela liheleng kapa letšeng la mollo? Ke a tseba ho Tšenolo e re (ke khaolo ea 20) lihele li tla lahleloa letšeng la mollo. Haeba ba sa che ka Bosafeleng, ho etsahalang ka bona?

²²⁷ Joalokaha ke sa tsoa bolela, moena kapa khaitseli, e ka bang mang; ke pheletso ea bona, ha ba sa tla ba teng. Ba bile le qalo, 'me ba fellu mono; ha ba hhole e le letho. Ho tla . . . ba tla cha nako e kae, ho thata feela ho bolela. Empa, shebang, mono . . .

²²⁸ Ha u ka tšoara taba ena mohopolong oa hao feela, le a bona, e bonolo haholo. Tšobotsi ea Bophelo Bosafeleng e 'ngoe feela, 'me bo tsoa ho Molimo ka Sebele. 'Me Molimo ke Bophelo Bosafeleng o inotši. Haeba u ka fihla mona feela ho tlotlontsoe, ho sheba

lentsoe la Segerike *Zoe*. *Zoe* ke “Bophelo Bosafeleng.” *Bophelo Bosafeleng* ke “Molimo.” ’Me Jesu o itse, “Ke ba nea Bophelo Bosafeleng.” ’Me ha u ka sheba mona ho tloltlontsoe, e itse, “*Zoe*.” Ke bona feela Bophelo Bosafeleng bo leng teng. Ka Bibeleng ha ho moo E reng lihele e tla ba tsa Bosafeleng, e itse ba tla cha “kamehla le mehla.”

²²⁹ Joale, ho fumana lentsoe “kamehla” sheba *aeon—aeon*. Na le lemohile mona Bibeleng? Ba bakae ba e utloileng e boleloa, “Le aeon le ae- . . .”? Ba bakae ba tsebang hobane *aeon* ke “nako e baliloeng”? Khele, ehlide, mang le mang o a tseba hobane *aeon* ke “nako e baliloeng.”

²³⁰ “’Me ba tla cha ka aeon,” tseo ke linako tse baliloeng. “Ho lahleloa letšeng la mollo, ’me ba tla cha ka aeons.” *Aeons* e bolela “linako tse baliloeng.” Ba ka tuka lilemo tse limilione tse lekholo kahlolong empa, ho feleng, ba tlameha ho fela; ho timeletsoa, ka botlalo. Le a bona, hobane sohle se sa phethehang ke khopamiso ea e tsoang Phethehong; ’me ebile le qalo, ka hona e tšoanelo ho ba le bofelo.

²³¹ Empa rōna ba lumelang ho Morena Jesu Kreste re na le *Zoe*, “Bophelo ba Molimo ka Sebele” ka ho rōna, le ho rua Bophelo Bosafeleng. Ha se ho ba le bophelo ba kamehla le mehla, moetsalibe o na le bophelo ba kamehla le mehla, empa re na le “Bophelo Bosafeleng.”

²³² Moena Cox, ha se khale, ha a ne a lutse tselaneng ea ka pejana re tšela . . . kamora ho beha majoe mono, eaba o thonaka nthoana, fosile ea khale, ’me a re, “Moena Branham, ntho eo ke ea khale hakae?”

²³³ “Oh,” ka re, “ho latela likronike, u ka re lilemo tsa eona ke mashome a likete. Nthoana ea mofuta, selalome sa khale sa mofuta se phetseng leoatleng, phootsoana ea leoatle, eka tšoha e phetse morao koana mengoaheng e fetileng.”

²³⁴ A re, “Nahana bokhutšoane ba bophelo ba motho papisong le bophelo *boo*.”

²³⁵ Ka re, “Oh, empa, moena, ntho eo e na le qetello, empa Bophelo *boo* re bo ruileng ka ho Kreste ha bo felle. Ntho eo e ka phela *bokamehla* ba babeli kapa ba bararō, empa e ke ke ea ba le Bophelo Bosafeleng, hobane Bophelo Bosafeleng bo tsoa ho Molimo a inotši.”

²³⁶ Bosafeleng, “Ea utloang Mantsoe a Ka ’me a lumela ho Ea Nthomileng, o na le Bophelo Bosafeleng ’me a ke ke a tla kahlolong le ka MOHLA empa o tlohile lefung ho kena Bophelong.” Ke moo, u fumana Bophelo Bosafeleng ka ho ba molumeli. Mosalumele o na le bophelo kamehla. Bosafeleng . . . molumeli o na le Bophelo Bosafeleng, ’me a ke ke a timela hobane Ke Bosafeleng.

²³⁷ Empa molumeli, o tla ea . . . Mosalumele o tla feta lefatšeng, a hlaheloe ke litlokotsi, bomalimabe; seo a se bitsang monyaka o moholo, "whoopee, monyaka o moholo." Basali, veine, le monyaka o moholo, o ikhopola a ntse a tsoelapele. O tla shoa, o tla kena letšeng la mollo le sebabole se tukang, ho tuka ho tsoellang kamehla le kamehla, mohlomong soule ea hae e tubjoe letšeng la mollo le sebabole ka lilemo tse limilione tse lekholo.

²³⁸ Ke . . . U re, "Na se tla tšoana le sebabole sa tloaelo?" Ke lumela se tla fetisa seo ka bobe makhetlo a milione. Ke lumela u ka sitoa ho e hlalosa ka mollo, mollo oa tloaelo. Lebaka le le leng ha ho thoe "ka mollo," mollo ke ntho e timeletsang ka ho fetisisa eo re e tšoereng. O timeletsa ka ho fetisisa le ho senya ntho e 'ngoe le e 'ngoe, mollo o sebetsa joalo. Be, ka hona, e tla be e le kahare ka mono, empa u tla ba le soule e tla tlameha ho hlokofatsoa ka ntho ea mofuta oa . . .

²³⁹ Joale, u tlameha ho hlokomela lentsoe *mollo*, hobane ho Moea o Halalelang ho sebelisoa "Moea o Halalelang le mollo"; hoba mollo oa Moea o Halalelang o chesa sebe, le a bona, le ho hloekisa.

²⁴⁰ Empa mollo *ona*, o tsoa lihleleng, ho itsoe "letša la mollo." 'Me e ka bang eng, ke kahlolo e tubang. Monna oa morui o ile a lelala, ka liheleng, le ho re, "Romela Lazaro a qopetse metsana menoaneng ea hae, ho thoba melomo ea ka, hobane malakabe ana a ntlhokofatsa." Le se ke la hopola lihele tse tukang li le sieo, le mollo o tukang ruri, o teng. Eféla ha diabolosi a le teng ruri, lihele li teng ruri.

²⁴¹ Empa, le a bona, sohle se khopameng se na le qetello, hobane ho felleng e tšoanelo ho khutlela ho hloeko eo le khalalelo ea Molimo. 'Me Molimo ke Bosafeleng, 'me ha re ruile Bophelo Bosafeleng, Molimo o ka ho rōna, 'me re ke ke ra shoa joalokaha Molimo o ke ke oa shoa. Ke moo.

²⁴² Joale, sehlooho se ehlile se a Itlhalosa, le a bona, le ho e lōkisa. Joale, ha re boneng, ke ne ke tšoere e . . . Ha ke tsebe haeba . . . E:

"Ho tla—ho tla etsahalang ka bona?"

²⁴³ Ba timeletsoa, ha ba sa hlola ba eba teng: soule e a nyamela, moea o a nyamela, bophelo bo a nyamela, 'mele o a nyamela, mehopolو e a nyamela, khopolo e a nyamela.

²⁴⁴ 'Me esita le mehopolو ea bobe ha e sa tla ba teng, kapa le ka mohla, ho etsahala le ka mohla, Khanyeng. Ke hantle, eohle e tla ba . . . Na le ka nahana, hore mona karolong ena ho ka ba le batho . . . ?

²⁴⁵ Na Bibele ha e re, "Esita le mehopolو ea bakhopo e tla timela"? Eona mehopolو ea eona e tla timela.

²⁴⁶ Mona monna o tla be a le *mona*, mona Molimo o Moholo le Mohalaleli ke enoa *mona*, ka tsebo e reng kantle koana ho

na le mokoti oo lisoule li ntseng li tuka ho ona? Khele, leo e ke ke ea eba Leholimō. Eona mehopolo, eona menahano, sohle se khopameng, mohopolo o mong le o mong o mobe, sohle se tla timela, le bokhopo bohole ba sona. 'Me ha re sa tla ba letho haese hloeko, ka *Zoe*, Bophelo ba Molimo; ho Bosafeleng, 'me mengoaha e tla thetheha joalo, le joalo, le joalo, le joalo; E ke ke ea fela, e be Bosafeleng!

²⁴⁷ "Ba ile kahlolong ea *kamehla*, empa ba lōkileng ba ile Bophelong Bosafeleng." Le a e tšoara? Kahlolo ea *kamehla*, Bophelo Bosafeleng, phapang e kakang.

²⁴⁸ Joale, le a bona, ha e . . . Joale, ke a tseba, ho lōna, bathoana ba ka, ha ke—ke leke ho iketsa tsebanyane. Haeba ke etsa joalo, . . .

²⁴⁹ Joale, ke tšoere lipotso tse tharō kapa tse 'ne tse ntle. Ke tla li thonaka Sontaha hoseng, ha Morena a ratile.

²⁵⁰ Joale, shebang. Le a bona, tsena li hlahisa lipotso. Ke moreri oa khale. Ke—ke—ke—ke tšoere lilemo tse mashopeli-tšeleta bosebeletsing. 'Me ke—ke lebohela sena haholo, haele moo nka re, 'na . . . Ha ke eso leke ho hlahisa letho bophelong ba ka pele le senoloa. 'Me ke leboha haholo ha Lengeloi la Morena . . . Etsoe ha ke a thola thuto, ha ke na bokhoni. 'Me Lengeloi lena le a theoha, 'me ebile thuso ea ka e rometsoeng ke Molimo. 'Me ha Le eso mpolelle ntho le e 'ngoe haese e nyallaneng ruri ho qala Genese ho ea Tšenolo ka seo, haholo hakaale hofihlela . . . Ke ile ka ngola ka potlako ea ruri ha A ne a re "Me u—"me u tla nka neo ea pholiso ea Khalalelo." 'Me ka e ngola feela kamoo A e buileng.

²⁵¹ 'Me lilemo ha li batlike ho ba tharō hamorao, manejara a hulela a ka—maikutlo a ka ho eona, ho re, "Moena Branham, na u e lemohile? E phethahetse hoo A itseng ho uena 'neo feela.'"

²⁵² Le a bona, ha ho a thoe "neo." 'Me e 'ngoe—e 'ngoe le e 'ngoe ka Bibeleng . . . neo e 'ngoe le e 'ngoe ke "neo" empa pholiso ea Khalalelo, 'me ke "neo feela." Ke "lineo tsa pholiso." U ka rua lineo tsa mefuta eohle tsa pholiso, kamekhoa e fapaneng. Empa, e 'ngoe le e 'ngoe ke "neo"; "eona" neo ea boporofeta, "eona" neo ea *sena*. Empa pholiso ea Khalalelo e bongateng: "lineo." 'Me ke eso e lemohe, hobane Moea o Halalelang o phethehile hakana. Oh, ho bokoe Morena!

²⁵³ Le a utloisia ona Moea o Halalelang o ngotseng Bibele eo, ka banna ba makholo, ba arohane makholo a lilemo . . . 'me ha ho le a mong ea khelohileng e mong, e mong le e mong oa bona a phethehile; 'me e mong a eso utloele le ka e mong.

²⁵⁴ 'Me Pauluse a theoha, a le tlase Arabia, 'me a eso etele le Jerusalema ka lilemo tse leshome le metso e mene, empa a le tlase Jerusalema le tlase . . . a tloha . . . a eso fihle Jerusalema le ka mohla. Empa tlase Arabia, a qala a rera, a eso bone Petrose le ba bang ka lilemo tse leshome le metso e mene. 'Me mohla

ba kōpanang, keha ba rera ntho e tšoanang: kolobetso ea metsi ka Lebitso la Jesu Kreste, le pholiso ea Khalalelo, le matla a Molimo.

²⁵⁵ Oh! Ha se le thabo hore ke e mong oa bona:

E mong oa bona, ke e mong oa bona,
Ha se le thabo hore ke e mong oa bona; (allelua)
E mong oa bona, ke e mong oa bona,
Ke thabo feela hore ke e mong oa bona.

Ho na le batho hohle-hohle feela,
Ba tukisoang lipelō kahohle,
Ke mollo ona o tšolohileng Pentekosta,
O hlatoitseng 'me oa ba hloekisa;
Oh, o tuka joale pelōng ea me,
Oh, ho bokoe Lebitso la Hae!
Ha se le thabo hore ke e mong oa bona.

Ba ne ba phuthehile phaposing e kaholimō,
Bohle ba rapela Lebitsong la Hae,
Ba kolobetsoa ka Moea o Halalelang,
Eaba ho fihla matla a tšebetso;
Joale see A ba etselitseng sona mohlang oo
A ka u etsetsa hona hoo le uena,
Ha se le thabo hore ke e mong oa bona.

Ke e mong oa bona, ke e mong oa bona,
Ha se le thabo hore ke e mong oa bona; (allelua)
E mong oa bona, e mong oa bona,
Ha se le thabo hore ke e mong oa bona.

²⁵⁶ Mamelang, ke le tšoaretse molaetsa o monyenyanne:

Tloo, moena oa ka, batla lehlohonolo lena
Le tla hlatsoa pelō ea hao sebeng,
Le tla letsang mangene-ngene a thabo
Le tla tukisa lelakabe la moea oa hao;
Oh, le ntse le tuka joale pelōng ea me,
Oh, ho bokoe lebitso la Hae,
Ha se le thabo hore ke e mong oa bona.

²⁵⁷ Na ha le a thabela ho ba e mong oa bona? Ke eng? Ke Moea o senolang. Ke tšenolo ea Molimo, "Holim'a lejoe lena." Ha ke tsotelle le ha moarekabishopo . . .

²⁵⁸ Moprista oa Katolike o ne a lutse, nakoana e fetileng, ka tlung ea ka. 'Me a re, "Mongh. Branham, ke tlide ho u botsa potso."

Ka re, "Ke hantle, monghali."

Ho re, "Mona ke tšoere lengolo le tsoang ho bishopo, le eang ho uena."

Ka re, "Ke hantle, monghali."

²⁵⁹ A re, “Litatemente tseo u li etsang, na u ka phahamisa letsoho la hao oa hlapanya ka botšepehi u tla bua ’nete?”

²⁶⁰ Ka re, “Nke ke.” Ka re, “Bibele e itse, ‘Le se ke la hlapanya ho hang, leha e le ka maholimō leha e le ka lefatše (hoba ke bonamelo ba maoto a Oona). Bo-ee ba lōna ebe che le ee.’ Ha bishopo a batla ho utloa seo ke se buang, o tla nka lentsoe la ka. Haeba a sa khone, ha ke hlapanye.”

²⁶¹ Moprista e monyenyanenoe holimō mona kerekeng ea Sacred Heart, o itse, “Na u kolobelitse Pauline Frazier ka letsatsi le *itseng-le-itseng*?”

²⁶² Ka re, “Ke entse joalo, monghali, tlase Nokeng ea Ohio.”

²⁶³ Ho re, “O mo kolobelitse joang?”

²⁶⁴ Ka re, “Ke mo kolobelitse ka ho mo qoelisa metsing ka Lebitso la Morena Jesu Kreste.”

²⁶⁵ A e ngola fatše. Ho re, “U a tseba, kereke ea Katolike e ne e kolobetsa joalo.”

Ka re, “Neng?”

A re, “Mongoaheng o qalang.”

Ka re, “Mongoaheng ofe o qalang?”

A re, “Be, hona tšimolohong.”

Ka re, “Tšimolohong efe?”

A re, “Kahar’ a Bibele.”

Ka re, “U bolela hore ba ho qal- . . . ho—ho barutuo?”

A re, “Ehlile.”

Ka re, “Na u bitsa Makatolike, kapa, e—e . . . ? U re barutuo e ne e le Makatolike?”

A re, “Ehlile, e ne e le bona.”

Ka re, “Ke itse kereke ea Katolike ha e fetoh?”

A re, “Ha e etse joalo.”

²⁶⁶ Ka re, “Ka hona hobaneng Petrose a itse, ‘Bakang, ’me le kolobetsoe ka Lebitso la Jesu Kreste?’ Athé uena u re e ne e le . . . e ne e le mopapa?”

²⁶⁷ “Yaa.”

²⁶⁸ “Ebe hobaneng le kolobetsa ka lebitso la ‘Ntate, Mora le Moea o Halalelang?’ ’Me eéna o qoelisitse, athe lōna le a fafatsa. Joale ho etsahetseng?”

²⁶⁹ A re, “Empa, u a bona,” ho re, “kereke ea Katolike e na le matla a ho etsa sefe seo ba se batlang.” Huh.

²⁷⁰ Ka re, “Me u bitsitse barutuo Makatolike?”

²⁷¹ A re, “Yaa.”

²⁷² Ka re, “Monghali, ke tšoere Josefase, ke tšoere *Buka Ea Babolaeloatumelo Ea Foxe*, ke tšoere *Mengoaha E Qalang* ea

Pemberman, ke tšoere ea Hislop *Babilona Tse Peli*, linalane tsa khale ka ho fetisa lefatšeng, mpontše moo kereke ea Katolike e kileng ea tlotsoa kapa e kileng ea kena mokhatlong . . . lilemo tse makholo a tšeleteletseng kamorao ho lefu la moapostola oa ho qetela.”

“Oh,” a re, “re lumela seo kereke e se buang.”

Ka re, “Ke lumela seo Bibele e se buang.” Le a bona?

“Khele,” a re, “Molimo o kerekeng ea Oona.”

²⁷³ Ka re, “Molimo o Lentsoeng la Oona.” ’Me ka re, “Haeba . . .” A re . . . Ka re, “Bibele ha e re Molimo o kerekeng ea Oona, empa Bibele e re Molimo o Lentsoeng la Oona. ‘Lentsoe le ne le le tšimolohong, ’me Lentsoe le ne le le ho Molimo, ’me Lentsoe e ne e le Molimo; ’me la aha har’ā rōna.” Ke hantle. Ka re, “Molimo o Lentsoeng la Oona.”

²⁷⁴ A tsoa ’me a bolela taba eo. A re, “Be, re sitoa ho pheha khang,” ho re, “hobane u lumela Bibele, ’na ke lumela ho kereke.”

²⁷⁵ Ka re, “Ke lumela Bibele e le Lentsoe la Molimo le bululetsoeng ’me ha ho khohlano e le ’ngoe ho Eona. ’Me Ke Lentsoe la Molimo, merero ea Oona ea Bosafeleng ea mengoaha eohle e tleng ho tla. O itse, ‘Maholimō le lefatše li tla feta empa Lentsoe la Ka le ke la feta le ka mohla.’ Ke hantle. Ke lumela Lentsoe.”

²⁷⁶ A tsoa a etela Mof. Frazier. A re, “Mof. Frazier, na u ka tekene pampiri mona e reng morali oa hao ekaba setho sa kereke ea Katolike?”

²⁷⁷ A re, “Nka mpa ka mo feheletsa ho ea lebitleng.”

²⁷⁸ Ho re, “Ha u soabe.” Ho re, “U tlameha ho leboha haele moo ngoanana eo a tsoa bosaoaneng boo, ho kena kerekeng ea Katolike.”

²⁷⁹ Ho re, “Holare e le ngoanana oa hao ea tleng kerekeng ea ka, u ka reng ka taba eo?”

²⁸⁰ “Oh,” a re, “hoo ho fapane.”

²⁸¹ Ho re, “Che, ha ho joalo.” O tsebile a ne a le nqa e ’ngoe hoba a tlohe ho mosali e monyenyane eo kantle mono. O tsebile a tsoa ’nqa e ’ngoe. A re, “Joale, monyako oo u keneng ka ona o butsöe.”

²⁸² Le a bona, ke ona mokhoa. U se ke oa hatikeloa, ha u a tlameha ho hatikeloa. Ekareha Molimo a eme le uena, ke mang ea ka emang khahlalo le uena? Hantle! Bothata ba eona ke bona kajeno, le metse lesapo la takatso sebakeng sa lesapo la mokokotlo. Emela Molimo le ho lōkileng!

²⁸³ Ona Moea o Halalelang o theohetseng holim’ā baapostola bao motše mengoaheng, o sa le Kerekeng ea Hae kajeno, bao Molimo o Itšenoletseng bona. “Ha se ea batlang, leha e le ea mathang, empa ke Molimo o hauhelang.” Ke Molimo, ka khetho

ea Oona, ea tlisang batho 'me a ba tutubolla mahlo. U ke ke oa Le bona, u fofetse, 'me u ke ke oa bona haese ha Molimo a u bula kutloiso. Bibele e u tlalehile u fofetse, 'me u sa bone. Ho leka ha ho thusetho. Ka thuto eohle, le mangolo a thupelo ea hao, ha u phetse ho eketsa bofou.

²⁸⁴ Joale, lōna Kereke ea Kreste mona, le “bua moo Bibebe e buang, 'me le khutsa moo e khutsitseng,” le reng ka tse ling tsa Sena? Le hlile le khutsitse ka taba Eo. Hantle.

²⁸⁵ Le a bona, e batla 'Nete e senotsoeng ka moea. Ebe moo Molimo o theohang o Itšenola le ho Le nétefatsa e le 'Nete. Amen! Le a Mo rata? Le 'na ke etsa joalo. Amen.

²⁸⁶ Ke hantle, lōna Mamethodise kaofela le batla ho tsukutla Mabatise ka matsoho? Lōna Mapresbeteriene?

²⁸⁷ “Joale,” u re, “Moena Branham, na u khaola Mabaptise le Mapresbeteriene setsoalleng a sa kol- . . .?”

²⁸⁸ Che, monghali, ha ke etse joalo. Ke ba nka joaloka baena. Ruri! Ha ke tsotelle le haeba u sa kolobetsoa ho hang, haeba u kolobelitsoe ka lebitso la “Rosa ea Sarone, Mohalalitoe oa Phula, le Naleli ea Meso,” ho ho ke ke ha ba . . . hoo ho ka itšoanelia le “Ntate, Mora, Moea o Halalelang.” Lithaetlele tse tharō feela. E ne e le Rosa ea Sarone. Na E ne e le eona? Mohalalitoe oa Phula, Naleli ea Meso, tseo tsoshle. Ehlide, E ne e le tsona. Ntho e 'ngoe feela kapa e 'ngoe. Empa mona seo e leng sona: mokhoa o népileng oa Lengolo ke ka Lebitso la Jesu Kreste. Haeba u batla mokhoa oa Lengolo, ke eona hantle. Ke mokhoa o népahetseng oo.

²⁸⁹ Joale, haeba u kolobelitsoe ka lebitso la “Ntate, Mora, le Moea o Halalelang,” u ikutloa ho népahetse, amen. Haeba e le karabelo e ntle ho Molimo ea letsoalo le letle ho Molimo, amen. Tsoelapele hantle, le a bona.

²⁹⁰ Empa ho ea ka 'na, hola e le 'na, holane u ka mpotsa, ho re, “Moena Branham, na ke lōkela ho kolobetsoa hape?” Nka re, “E,” hola e le 'na.

²⁹¹ Mosali e monyenyanne o ne a fihle mona letsatsi le leng, ho re, “Morena o mpitsitse ho ba moreri.” Ke ne ke sa lumele seo, le joalo nke ke ka lumela hobane—hobane a ka tšethema khoeli. ‘Me a . . .

²⁹² Ka re, “Be, ke hantle haholo, khaitseli.” Ka re, “U nyetsoe?”
“E.”

“U na le bana ba babeli?”

“Yaa.”

Ka re, “Keng seo . . . ? Na monna oa hao u pholositsoe?”
“Che.”

Ka re, “U tla etsa’ng ka eéna?”

“Ke tla mo siea lapeng.”

²⁹³ Ka re, “Seo ke selope se khabane seo diabolosi a kileng a se cheha. Le ho qala u mosali e motle, athe u khasetsa kantle mona tšimong, u tla fetoha selope le tekele ea diabolosi molebe. ‘Me monna oa hao, lapeng, ke mohlankana, athe u mo siea le bana ba babeli bana; o tla qala a hloaela le mosali e mong, ‘me ka letsatsi le leng bana bana ba tla thola ntate e mong’” Ka re, “Tabeng ea pele, eféla ha Molimo o bitsitse mosali, O leane le Lentsoe la Oona.” Ka re, “Joale, ha u batla, ho itōketse.” Ka re, “Joale, temoho ea moea, u re Morena u abetse temoho ea moea. Na u batla ho tsuela, holim’ a kalana, u e leke?”

²⁹⁴ A re, “E.” ’Me le bona se etsahetseng.

²⁹⁵ Le a bona, ke ho thootheloa. Eka khona e tle Lentsoeng. Haeba e se Lentsoeng, e ka ba ha e a lōka. Ha ke tsotelle litšisimoho tsa hao, ha e a lōka. Amen! E utloahala e lōkile. Amen!

²⁹⁶ Ke hantle:

Re tla tsamaea Leseling, leseli le letle joang,
Tloo moo phoka ea marotholi e phatsimang;
Re chabele ’nqa tsohle letšeħare le bosiu,
Jesu, ke leseli la lefatše.

Tumisang hohle bahalaleli ba leseli,
Jesu, ke leseli la lefatše;
Littleloko tsa Leholimō li tla lla,
Jesu, ke leseli la lefatše.

Re tla tsamaea Leseling, leseli le letle joang,
Tloo moo phoka ea marotholi . . .
Re chabele ’nqa tsohle letšeħare le bosiu,
Jesu, ke leseli la . . .

²⁹⁷ Joale ke batla e mong le e mong a retolohe le tsukutlane ka matsoho, likhutlong tse ’ne, le motho e mong le e mong, re sa se bina hape:

Re tla tsamaea leseling, leseli le letle joang,
(amen)
Tloo moo phoka ea marotholi e phatsimang;
Re chabele ’nqa tsohle letšeħare le bosiu,
Jesu, ke leseli la . . .

²⁹⁸ Na le rata Mamethodise? e reng “Amen.” [Phutheho e re, “Amen.”—Mohl.] Mobaptise? Mopresbeteriene? Mokatolike? Eona . . . Oh, le ba rata bohle na? e reng “Amen.” [Phutheho e re, “Amen.”—Mohl.]

Re tla tsamaea Leseling, le letl- . . . (tsukutla
matsoho, re sa tloha)
Oh, tloo moo phoka ea marotholi e phatsimang;
Re chabele ’nqa tsohle letšeħare le bosiu,
Jesu, ke leseli la . . .

²⁹⁹ Pele re bina sefela sa rōna se koalang . . . Joale, ke ntho e ka etsoang hore ke be mona Sontaha hape. Joale, kamorao ho moo nke ke ka khutla haese kamorao ho Keresemose. Le a bona, hobane ke ea Michigan, ho tsoa Michigan ho ea Colorado, ho tsoa Colorado koana Idaho, ho tsoa Idaho ho ea koana California, 'me re tla khutla. 'Me ho ka khonahala (ke batla le nthapelle) ke fihle Waterloo, Iowa, ho qala ka Pherekhong oa mashome a mabeli a metso e mene hofihlela Hlakola oa peli. Le a bona, arena e khōlō eo mono, ke tsoa fumana mohala nakoana e fetileng, 'me ke lōkela ho rapela ho qala joale hofihlela Sontaha. Le a bona, mane Waterloo, Iowa, e haufi joale.

³⁰⁰ Empa joale, le hopole, le mamele khaso ea moena ka hora ea borobong, Moqebelo hoseng. Re tla mo letsetsa re mo tsebise. 'Me e tla ba ho WLRP, k'hotete ea Neville ka hora ea borobong, Moeqebelo hoseng. Re tla . . . Haeba ke—ke sa li finyelle, Moena Neville o tla qetella lipotso. U tla etsa joalo, Moena Neville, Sontaha hoseng? [Moena Neville o a tšeja o re, "Ke tabahali eo"—Mohl.] Be, sheba, ha u kena bothateng, ke tla matha le uena. O tla sheba. Ke hantle.

³⁰¹ Ke hantle:

Inkele Lebitso la Jesu,
Ngoana' masoabi le tllokotsi;
Le tla u thabisa le u tselise,
Oh, le nke hohle moo eang teng.

Lebitso le ratoang, Oh le monate!
Tšepo ea lefatše le thabo ea Leholidō;
Lebitso le ratoang, Lebitso le ratoang, Oh le
monate! Le monate!
Tšepo ea lefatše le thabo ea Leholidō.

³⁰² Joale, ha le batla ho tseba Mobatise ea lumelang ho hlaba litlatse, ke litlatse tseo ke lumelang ho tsona tseo. 'Mé eo oa motsofe ea lutseng mono feela, eaba Moea oa theohela holim'a hae. O ile a qala a hlaba litlatse, ha a khona ho itšoara, eaba o khutla a hamarela morali oa hae. Ke rata ho e bona joalo. Amen. Ke maikutlo a matle a sebele, a mehla-ea-khale, a pelo-hlomohi. Oh, banna, mohalaleli oa khale—oa khale, ea butsoitseng, ea malala-a-laotsoe, ho ea lapeng Khanyeng. Ho emela lisamane feela, le a bona, ho ithabela monyakeng feela.

Ke hantle, Moena Neville joale, sohle seo a batlang ho se etsa.



LIPOTSO LE LIKARABO KA BAHEBERU KAROLO 1 SST57-0925

(Questions And Answers On Hebrews Part I)

LETOTO LA BOITŠOARO, TSAMAI SO LE THUTO EA KEREKE

Molaetsa wona, ka Moena William Marrion Branham, o rerilwe sethatong ka Senyesemane, Laborarō mantsiboea, Loetse 9, 1957, Branham Tabernacle, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org